

# FELSEFE

AMADEYÎ 3

2020/2021



## AMADEKAR

Ev pirtûk ji aliyê Komîteya  
felsefeyê ve hatiye  
amadekirin.

## LÊVEGER

- Komîteya Şopandinê
- Komîteya Fotoşopê
- Komîteya Redekteyê

Ev pirtûk ji aliyê Saziya Minhacan  
ve, wek pirtûka wanedayînê, ji bo  
dibistanan hatiye pejirandin.





# Naverok

<b>BEŞA YEKEM .....</b>	<b>7</b>
FELSEFEYA SERDEMA NAVÎN.....	8
FELSEFEYA DIBISTANAN (SKOLASTİKÎ).....	12
FELSEFEYA ISLAMÊ YA SERDEMA NAVÎN.....	16
FİLOZOFÊN ISLAMÊ YÊN DI SERDEMA NAVÎN DE.....	21
FELSEFEYA RAZDARÎ (TESEWIFÎ).....	25
<b>BEŞA DUYEM .....</b>	<b>33</b>
FELSEFEYA SERDEMA VEJÎNÊ (RENAISSANCE) .....	34
NÛNERÊN FELSEFEYA RONESANSÊ (1).....	39
NÛNERÊN FELSEFEYA RONESANSÊ (2).....	44
<b>BEŞA SÊYEM .....</b>	<b>49</b>
FELSEFEYA RONAKBÛYÎNÊ.....	50
PÊŞENGÊN FELSEFEYA RONAKBÛYÎNÊ YÊN SEDSALA 17AN (1).....	54
PÊŞENGÊN FELSEFEYA RONAKBÛYÎNÊ YÊN SEDSALA 17 AN (2).....	60
PÊŞENGÊN FELSEFEYA RONAKBÛYÎNÊ YÊN .....	66
SEDSALA 18 AN (1) .....	66
PÊŞENGÊN FELSEFEYA RONAKBÛYÎNÊ YÊN SEDSALA 18AN (2).....	72
<b>BEŞA ÇAREM .....</b>	<b>79</b>
FELSEFEYA SEDSALA 19AN .....	80
KARL MARX (KARIL MARKIS 1818-1883)Û MARXÎZM.....	86
HIZIRÊN FELSEFÎ YÊN KU DI SEDSALA 19AN DE DERKETINE .....	91
POZİTİVİZM Û DETERMİNİZM.....	95
ROMANTİZM Û NÎHÎLÎZM.....	99
<b>BEŞA PÊNCEM .....</b>	<b>103</b>
FELSEFEYA SEDSALA 20AN .....	103
FELSEFEYA SEDSALA 20AN .....	104
HIZIRÊN FELSEFEYÎ YÊN KU DI SEDSALA 20 AN DE DERKETINE.....	110
FELSEFEYA MODERNÎTEYA DEMOKRATÎK.....	116
FELSEFEYA KUWANTOM (QUANTUM) .....	120



# **BESA YEKEM**

## **FELSEFEYA SERDEMA NAVÎN**

- 1. FELSEFEYA SERDEMA NAVÎN.**
- 2. FELSEFEYA DIBISTANAN (SKOLASTİKİ).**
- 3. FELSEFEYA ÎSLAMÊ YA SERDEMA NAVÎN.**
- 4. FİLOZOFÊN ISLAMÊ YÊN DI SERDEMA NAVÎN DE.**
- 5. FELSEFEYA RAZDARÎ (TESEWIFÎ).**

## FELSEFEYA SERDEMA NAVÎN

### Felsefeya serdema navîn:

Ew serdema ku ji despêka hilweşandina impratoriya Romaya rojavayî heta serdema vejînê dom kiriye. Felsefeya Serdema Navîn li ser bingehêke **teolojîk** hatiye rûniştandin û bi rengê du qonaxên sereke tê destgirtin. Felsefeya Xiristîyanî û ya Islamî. Di destpêkê de, xwe weke felsefeya xiristîyanî û piştre jî, weke felsefeya îslamê nîşan dide.

### Felsefeya xiristîyanî:

Dêra xiristîyanan ji bo ku bikaribe felsefeyeke xwe ya xwerû ava bike, ji felsefeya antîk sûd wergirtiye û bi vî awayî jî, felsefeya xwe pêk anîye.

Felsefeya Xiristîyanî bi gotar û nirxandinê pêxember Îsa derdikeve holê. Bi Hz. Îsa re dest pê dike û heta sedsala 16'an berdewam dike. Di seretayî de Mesîhî weke tevgera xizan, jar û belengazan her weha tevgereke şoreşgerî bû. Di nûnertiya kesayeta Îsa de mirovparêzî (humanîst) hebû. Li dijî desthilatdariya koletî, zilm û zordariyê derket; yekîtî, wekhevî û biratî diparast. Weke hêviyeke çîna bindest risteke girîng dilîst. Li ser vê bingehê bi pêş ket û bi hêz bû.

Ev felsefe di nava xwe de dibe du beş: Felsefeya Patrîstîk û ya Skolastîk.

### Felsefeya Patrîstîk:


Ji qonaxa pêşîn ya felsefeya xiristîyanî re, tê gotin. Di vê felsefeyê de rola Azîz Augustînos û bav û kalên dêrê gelekî mezine. Ev felsfe ji aliyê wan ve hatiye avakirin û li hember êrîş û zordestiyêne impratoriya Romayê derketiye, bi awayekî olî, xiristîyanî parastiye, hîzir û ramanên wan li gorî pirtûka pîroz û destûrên pîroz e.

## Augustînusî (354- 430):

Augustînos, ji navçeyeke ya girêdayî Romayê (îro herêmeke girêdayî Cezayîrê ye) ye li bajarê

Tagastê hatiye cîhanê.

Augustînos, di despêkê de bi Manîtiyê bandor bû û 9 salan di bin vê bandorê de ma, li ser ola Manî, filozofên Yewnanî û bi taybet jî Platoniya nû lêger û lêkolîn dikir. baweriyê di ser her tiştî re digire dest û di ser zanînê re dibîne, herwiha Ji bo hilbijar-



tina rast pêwîstiya mirov bi xweda û baweriyêke bi hêz heye, di encamê de, başî û xerabî girêdayî hilbijartina mirovan e .

Afirînêrê her tiştî xweda ye û rastî ji wir dest pê dike.

Li gorî nerînê wî; zanîn ji bo pêkanîna zindîbûna mirovan e. Rêya vê, bêguman bi xwegihandina xweda ye. Xwegihandina rastiyê bi rêka pirtûka pîroz jî gengaz e.

Nerîna wî ya bingehîn; dewlet û saziyên wê pîrozin. Ev ramana Augustînos di pêş de dibe bingeha dewleta navendî ya teolojîk . Dewletên rojava yên oldar û teokratîk li ser bingeha vê felsefeyê bilind bûn. Heta dema ronesansê ev nerîn dihat parastin, ji ber vê yekê derketina li hember dewlet û saziyên wê gunehekî mezin dihat dîtin.

Augustînos girîngî pir daye hiş, dibîne ku mirov bi rêya hiş dikare Xweda nas bike û li dijî nerînê ku Xweda û gerdûnê wekhev dibînin jî derdikeve. Ew dibêje; “**Gerdûn ne laşê Xweda ye, Xweda jî ne giyanê gerdûnê ye. Di nav gerdûnê de bûyîn, li dijî mezinbûyîna Xweda ye û hwd.**”

Azîz Augustînos bi van nerînê xwe di olê de, rê ji hiş re ve-dike. Bandora wî ya li ser felsefeyê ya herî bingehîn jî ew e.

Ew weke azîzekî têkoşerê Xiristiyaniyê tê dîtin û nirxandin. Li ser bîrdoziya Xiristiyaniyê lêger û lêkolîneke berfireh daye meşandin.

### Ronîkirin

#### **Augustinos dibêje;**

**“Hiş dikare Xweda nas bike, ji bo ku em bikaribin her tiştî bizanibin, Xweda aqil daye me. Wê demê ji bo ku Xweda bê nasandin ev hiş daye me”.**

#### **Teokratîk:**

**Di zimanê Yewnanî de ji du gotinan pêk tê, gotina teo tê wateya Xweda û kratîk tê wateya serdestî, bi giştî tê wateya serdestiya xweda yan dewleta rahiban, ev sîstema bi navê xweda tev digere û destûrên xwe yekser ji xweda distîne.**

## **PIRSÊN NIRXANDINÊ**

1. Felsefeya patrîstîk binirxîne.
2. Nerîna Augustînos derbarê dewletê de çawa bû?
3. Nerîna Augustînos di olê de çi ye?

## WANE 2

### FELSEFEYA DIBISTANAN (SKOLASTÎKÎ)

Felsefeya Skolastîkî, tê wateya felsefeya dibistanan ku herî zêde bandor li felsefeya serdema navîn ya xiristiyanî kiriye Weke dîrokñas dibêjin; ji sedsala 9an heta sedsala 14an berde-wam kiriye.

Armanca vê felsefeyê ew bû ku ramanên xiristiyanîyê yên ku di pêvajoya Felsefeya Patrîstîk de dest pê kiribûn, bi rêkûpêk bike û bingehekê ji wan re ava bike û vî awayî bike danezanîneke felsefi. Aligirên vê felsefeyê, wiha xwestine ku dogmeyên xiristiyanîyê di dibistanan dêrê de bi alîkariya hiş bisepînin.

Di vê qonaxê de ramanan felsefi di bin bandora dêrê de bûn. Dêr desthiladar bû. Nerînên dêrê bê guftûgo dihatin pejirandin. Dibistanan li ser navê dêrê sûnd dixwarin, da ku tu carî ji xeta dêrê dernekevin.

Di vê qonaxê de zanista xwedayî (Teolojî) serdestiya tevahî ramanan dikir.

Nûnerên vê felsefeyê yên girîng: **Anselmus, Tomas Akwînas û Williamê Ockhamî ne.**

#### **Anselmo (Anselmus 1035-1109):**

Anselemuns filozofekî Îtalî ye, nûnerê Skolastîkê yê ser- eke ye, Tevayî nerînên wî derbarê ramana xweda de têr komkirin, dibêje ku “**xweda di tevayî navenda hebûnan de ye**” û divê bawerî beriya zanînê be, divê tu bawer bikî da ku tu nasbikî, tevî wilo jî dibe ku bawerî li ser zanînê ava bibe.

## Thomas Aquinas (Tomas Akwînas 1225-1274) :

Tomas Akwînas filozofekî Ìtalî ye weke Augustînos û Arîstotèles dewletê pîroz, pêwîst û bi sûd dibîne, ew dewletparêz e, lê dewletê ji bo monarşiyê(şahîtiyê) naxwaze. Ew dixwaze dewlet bi giştî di bin desthilatdariya dêrê de be, li ser parvekirina dewletê bi Teoriya xwe ya bi navê (**du şûran**) tê naskirin, li gorî vê teoriyê du dewlet hene. Yek **dewleta erdê** ye, ya din jî **dewleta ezmanan** e. Xweda du şûr dane, yek di destên şahan de ye û bi wî erdê bi rê ve dibin, a din jî di destên dêrê de ye û ew jî bi vê ezmanan û cînhana din bi rê ve dibin. Thomasê Aquînayê di pirtûka xwe ya bi navê **zanista olî** Ya giştî de, behsa çar destûran dike.

- 1- Eternal law:** Ew zagona ku xweda gerdûnê pê bi rêve dibe û di ser xwezaya mirovî re ye.
- 2- Natural law:** Ew zagona xwezayî ye, ku bi rêya hiş û giyanê paqij mirov bi rêve dibe û bi zagona xwedayî ya bê dawî, bandor bûye
- 3- Devine law:** Ew zagona xwedayî ango pîroze, ku bi rêya sirûşt (gotinêñ xweda) yan jî pirtûkêñ pîroz re, derdikeve.
- 4- Human law:** Ew zagonêñ mirovî ne, ku bi rêya hişê wî têñ danîñ û ji bo xwezaya wî guncawe.

## **Taybetmendiyên felsefeya xiristiyaniyê di Serdema Navîn de:**

- 1- Mijara herî sereke ya vê felsefeyê ol e, felsefeyeke dogmatîk e(hişkbawer) û di dibistanê dêrê de hatiye afirandin.
- 2- Armanca bikaranîna felsefeyê, ji bo bingehkirina dogmayên xiristiyaniyê ye.
- 3- Filozof, di heman demê de zilamên oldar in.
- 4- Ev felsefe bi awayekî dadayî ye û deriyê rexneyê li xwe girtiye.
- 5- Pirtûka pîroz, dêr û Arîstoteles, sê desthilatdarêن sereke yên girîng in û lidijrabûna wan, qedexe ye.

## **PIRSÊN NIRXANDINÊ**

1. Felsefeya dibistanan pînase bike.
2. Li ser zagonê xwedayî û yên mirovî bixebit û nerîna xwe diyar bike.
3. Destûrên Thomas Aquinas di pirtûka wî ya olî de diyar bike.
4. Taybetmendiyê felsefeya xiristiyaniyê di Serdema Navîn de, çi ne?

## WANE 3

### FELSEFEYA ISLAMÊ YA SERDEMA NAVÎN

Felsefeya îslamê di navbera sedsalên 9 û 12an de pêşketinêñ cur bi cur pêk anîne, bi navê **zanista kelam** derdikeve. Di van beşan de tê desgirtin, ew jî ev in;

- ◊ Kelam
- ◊ Mûtezîle
- ◊ Meşaîtî
- ◊ Felsefeya razdarî(tesewifi)

#### Kelam:

Tê wateya zanista ku xwe dispêre destûrên Quran û hedîsan û li ser wan nirxandinêñ xwe pêş dixe. Bi rêya hiş dixwaze hebûn û yekîtiya Xweda bide pejirandin. Kelam nerînêñ xwe di çarçoveya ayet û hedîsan de pêş dixe. Li ser çarenûs û qeza radiweste.

Di felsefeya Islamê de pêwîstiya hizira Kelamî; li hember derketina hizir û terîqetêñ cuda weke beşekî hizirî û lêkolînkirinê derketiye holê.

Kelam, bingeha ol û têgehêñ girêdayî Xweda, bi rêya hiş şirove dike û di parzûna wî re derbas dike. Armanca giştî ya Kelamiyan, di nivîsandinêñ Quranê de, hizireke giştî derxistine holê û di pirtûka pîroz de, hizirêñ ku bi hev re dikevin nava nako-kiyê jî, şirove dikan û bi sistemeke hevseng derdixînin holê.

Kelamîyen yekemîn yên ku dixwestin pirsgirêkên olê bi rêya hiş çareser bikin, beşa hizirvanêñ ‘**Mûtezîleyî**’ bûn. Ev beşa hizirvanan, ji ber ku ketibûn nava gumanan de, hizir pêş xistibûn.

Di dema ku hizira Kelamiyan berfireh bû û zêde bandor kir, wê çaxê **Eşariyeyî** derketin holê. Li gorî vê hizirê, hişê mirov, pirsa ku dibêje: **Hebûn ci ye?** Bersiva wê zêdeyî ast û hêza hişê mirove. Eşariyeyî', bi Mûtezîleyan re li ser giriîngiya hiş li hev dikin, lê ji hiş bêhtir girîngiyê didin ol û baweriyê. Bi sedsalan ev hizir li ser hizira Îslamê bandoreke mezin kiriye. Eşariye, zanîn û heyînên ku bi bawerî û destûrên Îslamê re nakok bin napejirînin û dema ku di mijarekê de, nakokî di navbera hiş û pirtûka pîroz an hedîsan de çê dibe, girîngiyê bêtir dide baweriyê, ji ber ku hiş carinan dikeve şâstiyán. Têgihîştina pîvandinê ev e.

### **Mûtezîleyî:**

Mûtezîleyî ji aliyê Wasil bin Ata (700-748) ve di sedsala 8'an de, hatiye destpêkirin. Wasil Bin Ata xwendekarê Hesenê Besrî bû (şopdarekî sunetê bû). Ew û mamosteyê xwe li ser “**sûcê mezin**” li hev nedikirin, ev bû sedema ku Wasil ji mamosteyê xwe veqete. Li gorî hizira Mutezîle, şirovekirina Qûranê bi rêya aqil gengaz e, herwiha di felsefeya Îslamê de rêya hiş dipejirînin, nerîneke kesî û lîbral parasetine û nerînên ku li dijî hiş bin jî li hember derdi Kevin, li aliyekî din jî ji hizirê **Demokrîtos**, **Zenon**, **Epîkuros** û **Empedokles** sûd girtine.

Piştre yên vê felsefeyê didin berdewamkirin; **Cahîz**, **Muammer Ibn Abbad**, **Ebûl Huseyîn Basrî**, **El Nisêybînî**, **Haşim** û hwd. in.

### **Meşaiyî :**

Di nav qada Islamê de, ji filozofên ku Arîstotales dişopandin û dipejirandin re, “**Meşaiyî**” tê gotin. Bi El Kîndî re felsefeya meşai tê avakirin û di bin bandora hizirê Arîstotales de pêş ket. Dibistana Arîstoyî jî bi taybet a Meşaî bi **El Kîndî**, **Farabî** û **Ibn Sîna** re, bi pêş ketiye. Li gorî meşaiyan zanîn di her warî de tekez û rastî ye.

Fîlozofên ku bi şêweyê hiş zanînê derdixin pêş, ji felsefeya Yewnan; bi taybetî ji ya Platon û Arîstotales bandor bûne û nerînên wan û yê Islamê sentez kirine. Li gorî Meşaiyan, hiş weke ku bi rêya ‘sirûşê’ ye, ji Xweda tê. Ev têgihîştin girîng tê dîtin. Ji ber bawer dîkin ku hebûn û tevger bi rêya hiş derdikeve û tê nirxandin.

Fîlozofên bi nav û deng ên vê felsefeyê, **El Kîndî, Farabî, Ibin- Heysem, Ibin- Hezim** û hwd. in.

### **El Kîndî (800-873) :**

El Kîndî, filozofekî, di besên weke bîrkarî, fizîk, astronomî, erdnîgarî û heta di muzîkê de jî pispor bûye, van qadêن zanistê, di dema xwe de pêş dixîne. weke filozofê Ereban jî tê nasîn.

El Kîndî, yekemîn filozofê destpêkirina felsefeya meşaî ye. Sentezekê ji nerînên filozofên Yewnan û hizira Îslamê çê dike. Li gorî nerînên wî, bi felsefeyê re mijûlbûn, xebatêن herî bi rûmet in û kesê ku bi felsefeyê re têkildar in, rastiyâن zûtir û baştir fêm dîkin. Bi rêya şirovekirina berhemên Aristo, girîngî daye zanîn û vacê. Di rîbaza felsefeya Kîndî de armanca sereke;  
**xwegihandina rastiya Xweda ye.**

Kîndî, di navbera felsefe û Quranê de tu nakokiyê nabîne, ji ber ku her du jî, rastiyê tînin ziman. Bi vê nerîna xwe dibe hizirvanekî Hişmendîperest (rasyonalîst).

Li gorî El Kîndî; “**Sedema hebûna seretayî Xweda ye. Ew jî bêserî û bêdawî ye. Her tişt bi vîna wî afiriye û wê bi vîna wî jî tune bibe**”.

## Ronîkirin

**Eşariye:** Ew hizira ku sirûşa xweda weke çavkaniya zanînê dibîne. Li gorî Eşariye; “Rênîşana Îslamê bê şîrove, vekirî û zelal e. Pêwîstî bi şîrovekirina van rênîşanan tune ye”. Dîsa dibêjin: “Destûrên Îslamê bi rêya hiş nayêن zanîn û ragihandin”.

## **PIRSÊN NIRXANDINÊ**

1. Mûteziliyan pir giringî daye aqil. Şîrove bike.
2. Felsefeya meşaiyî şirove bike.
3. Felsefeya El-kindî şirove bike.

## FİLOZOFÊN ISLAMÊ YÊN DI SERDEMA NAVÎN DE

### Farabî (870-950):

Li bajarê Farabê ji dayik bûye, ji ber vê yekê bi navê Farabî tê nasîn. Yê ku felsefeya Meşaî bi sîstem kiriye û weke filozofê Îslamê yê girîng tê dîtin Farabî ye. Li ser **zanista xweza, bîrkarî, bijîskî, kîmiya, sinc, siyaset û muzîkê** rawestiyaye. Ji ber ku bi piranî li ser berhemên Aristo hûr bûye û Aristo bi navê mamosteyê yekemîn dihat nasîn, lewma Farabî jî bi navê mamosteyê duyemîn tê nasîn. Farabî nerînên Arîsto û yên Îslamê digihîne hev û sentezekê ji wan çê dike.

Li gorî ramana Farabî: “**Hebûna yekem û sedema yekem Xweda ye. Ev hebûn asta bilind e. Bêserî û bêdawî ye. Berî Xweda tu hebûn nebû, dirûv û cewher di Xweda de bûne yek. Lê di zindiyân de giyan û beden cuda cuda ne**”. Kurtecewhera nerînên Ferabî bi vî rengî tê ziman.

Farabî girêdayî hizira Arîstotales metafizîkeke girêdayî hiş diafirîne. Dixwaze nerînên Arîstotales û felsefeya Îslamê bi hev re bike yek.

### Çima Farabî, girîngiyê dide hişê çalak?

Hişê çalak, weke rêya zanîn û ezmûngirtinê dibîne. Ramana Farabî li ser hiş tê rûniştandin. Ji nerînên Farabî yên balkêş jî ev e: “**Fîlozof jî, weke pêxemberan hêja ne û wan yek dibîne. Ji ber ku pêxember zanînê bi rêya sirûşê digirin, lê filozof bi hewl-danêñ xwe yên cur bi cur, zanînê derdixin holê**”. Farabî bi van nerînên xwe nêzîkî felsefeya Îşraqî dibe.

## Nerînê Farabî derbarê dewletê de çi ne?

Derbarê sazûmaniya dewletê de jî, Farabî wiha dihizire: “Rêvebir, pêwîst e mejiyê çalak pêş bixin. Ji bo civakeke wekhev û bidad pêk were, hişê çalak pêwîst û girîng e”. Nerînê Farabî yên berfireh di pirtûka wî ya bi navê **bajarê nemoneyî** de hatiye ziman. Ev pirtûk bi nav û deng e.

## Ibin Sîna 980-1037:

Li gundê Efeşne li (Ozbekistana anha) ji dayik bûye. Hizir vanekî İslâmê yê bi nav û deng e. Di bin bandora felsefeya Yewnan de maye. Pirtûka wî bi navê “**El Qanûn**” heta sedsala 19an li zanîngehênen welatê rojava dihat bikaranîn, herwiha weke jêdereke ser-eke di warê zanist û bijîşkiyê de dihat bikaranîn.

Nerînê wî yên li ser perwerdeyê jî wiha ne; “**Mirov ji bo waneya sincî bide kesên din, beriya her tiştî pêwîst e ew xwedî sinc be**”.

Li gorî ramana Ibin Sîna **hebûna destpêkê Xweda** ye. Tevahî hebûn û heyîn, ji wir çêbûne. Ol û felsefeyê digihîne hev û Felsefeyê li gorî rênîşana olî radigihîne. Dibêje: «**Bawerî hiş temam dike**». Dîsa diyar dike ku “**ol sererastkirina cîhanê ye û pakirina giyanê mirov e**».

Felsefeya Ibin Sîna ya olî wiha ye; **Fîlozof hiş bi baweriyê temam dike. Di navbera baweriyê û hiş de sê têkilî hene, ew jî ev in:**

- 1- Qadêñ bawerî û yên hiş bi temamî ji hev cuda ne.
- 2- Bawerî, temambûna (kemaliya) hiş e, ango rewşa dorpêçkirina hiş e.
- 3- Bawerî, tevgerkirina hiş temam dike.

Ibin Sîna bi van nerînê xwe, ji nerînê Farabî cuda dibe û pêxemberan di ser filozofan re digire dest.

### **Ibin Ruşd (1126-1198):**

Ev hizirvan ji Endelusê ye, li rojava jiyan kiriye, ji bo vê sedemê bandor li hizira rojava kiriye. Ewropayî ji Ibin Ruşd re **Averroes** dibêjin. Di berhemên xwe de, li ser lihevkirina ol û felsefeyê, rawestiyaye.Bi nerîna xwe ya ku dibêje  
**“gerdûn her tim di nav afirandinê de ye, lê yê ew afirandiye jî bêdawî ye”**

ji filozofen beriya xwe û Kelamiyan cuda dibe, Anglo afirandin ne carekê tenê pêk hatiye, afirandin her tim heye û yê gerdûn ava kiriye jî di nav hêzeke giştî de bi rê ve dibe û dide tevgerkirin. Cîhan encax bi vê hêzê heye. Li gorî ramana Ibin Rûşd, heke liv tune be, dem jî nikare were hîzrîn.

### **Zanîn li cem Ibin Ruşd çawa tê bedestxistin?**

Li ser rastiyê wiha dihizire: **“Rastiya zanînê bi rêya hiş û vacê (vac) pêk tê”**. Ev, naveroka nerînê Ibin Ruşd e. Li gorî hizirên wî;

**Heyber û dem bêserî û bêdawî ne. hebûna giyan di laş de, demkî ye. Laş dimire, lê yê mayînde dimîne giyan e.**

Ibin Ruşd, wisa bawer dike ku giyan bêmirin û mayinde (ebedî) ye.

## **PIRSÊN NIRXANDINÊ**

1. Çima Farabî bi navê mamosteyê duyemîn tê nasîn?
2. Nerîna Ibin Sîna li ser perwerdeyê diyar bik û nerîna xwe jî bîn ziman.
3. Têkiliya di navbera hiş û baweriyê de, li cem Ibin Sîna bid diyarkirin.

### **Mijar**

Ibin Ruşid dibêje: “**Gerdûn her tim di nav afirandinê de ye, lê yê ew afirandiye jî bêdawî ye. Mijarekê li ser felsefeya Ibin Ruşid û girîngiya wê binivîs û nerîna xwe di vê felsefeyê de bîn ziman**”.

## WANE 5

### FELSEFEYA RAZDARÎ (TESEWIFÎ)

**Tesewif** felsefeyeke jiyanê ye, armanca wê gihêştina xweda ye û rizgarkirina giyan ji xerabiyên derûnî, pozbilindî û quretiyê ye. Rêya vê yekê jî, hezkirin û eşqa xweda ye.

Di tesewifê de, afirînerê hemû tiştan, Xweda ye.

Ji xuyakirina Xweda re ya di hemû tiştan de, Yekîtiya Hebûnê, ango **wihdet-Elwicûd** tê gotin.

Xweda herî zêde, xwe di mirovan de nîşan dide. Gelek mitesewifê giring hene ji nav wan:

#### Suhrewerdî (1153-1191):

Li bajarê Suhrewerdê li Ezirbîcanê ji dayik bûye, weke ke-sayetek kurd tê dîtin.

Felsefeya Suhrewerdî felsefeya Îşraqî (**şewq, an jî ronahiyê**) ye. Suhrewerdî felsefeya xwe ya şewqê, bi felsefeya Zerdeşt, Platon û ya Tesewifê re, sentez û ava dike. Li gorî wî felsefe, karekî pêhest-kirinê ye. Karê felsefeyê di wateya pêxembertiyyê de dibîne. Dibêje; “**mirov di destpêkê de xwe perwerde dike û piştre jî hêdî hêdî û bi pêpelûk pêpelûk ber bi**




şewqê ve bilind dibe. Mirov dema nêzikî şewqê dibe, tîrêjên şewqê zêde dibil. Mirovê ku carekê ket rêya hestkirinê, her diçe bihêz dibe. Her ronahiya pêpelûkekê mirov ber bi ronahiya pêpelûka din ve dikişîne. Her wiha şewqa ji şewqan (Nur-ül-enwar, El Alah) ya ku her wateyê bi ronahiya mezin pêk tîne re tê gihiştin”.

Suhrewerdî li ser laş jî wiha dibêje; “Tu cudahî di navbera giyan û laş de tune ye, her du jî hêman in. Wekî tevî heyberan (cisman) laş jî di tarîbûneke kûr de ye. Ev tarîbûn dema ber bi ronahiye ve diçe, kûrbûna xwe winda dike. Di herî dawiyê de tarîbûn bi dawî dibe, ronî dibe û dikeve nav şewqê”.

Suhrewerdî ji ber van nerînê xwe tê gunehbarkirin û li bajarê Helebê, di sih û sê (33) saliya xwe de tê darvekirin.

### Ibin Arebî (1165-1240):

Cewherê felsefeya Ibin Arabî **Wi-hdet-Elwicûd(Yekîtiya Hebûnê)** ye. Li gorî nerîna wî tevahî heyîn gerdûnî ne, lê di yekgirtina hebûnan de Xweda heye. Her tişt ji yekgirtina Xweda tê, derveyî hebûna Xweda, tu hebûnê din tune ne. Gerdûn pêkhatineke xwedayî ya bêdawî ye.



Li gorî Ibin Arebî zanîn tenê bi rêya wehiyên (sirûş) Xweda nayê bidestxistin, weliyên Xweda jî bi rêya lêhûrbûn û hezkirinê, zanînê xwedayî bi dest dixin.

## Yekîtiya Hebûnê ci ye?

Ev mijar di nav hizirvanê Islamê de, pir hatiye guftûgokirin. Ew têgihiştina ku dibeje: “**Xwe ji tevahî cudabûnên teşeyî yê hebûnan derxin. Di nav hebûnekê de, yekbûn û hevgirtina Xweda pêk tê**”.

## Cihê jinê di hizira Ibin Arebî de


Ibin Arebî tu car nedida mandelê ku li ser destêن jina bi temenê xwe yê mezin **Fatima Bint Mesne** hatiye perwerdekirin.

Pir girîngî û nirxekî giranbuha di jiyanê de, daye rola jinê. wekhevî xistiye navbera wê û mêt de û gelek caran ew di ser mêt re, girtiye, herwiha di aliyê siyasî de jî cihê wê di rêveriyê de, pejirand. Bi giranî li raza hêza jinê dinêrî û li ya wê ya veşartî lêkolîn dikir.

### Mensûrê Hellac (858-922):

Mensûrê Hallac, hizirvanekî tesewifî (**wihdet-Elwicûd**) yê ku li ser nerînê wî pir gotûbêj çêbûye. Nerîn û helwesta wî li dijî desthilatdariya Ebasîyan pir bi nav û deng e, lê ev nerînê wî pir şaş tên nirxandin û ji ber wan tê darizandin.

Ji ber ku dibêje **Enel heq (Ez rastî me)** bi zindîqbûnê tê tawanbarkirin û darvekirin.



Ev naveroka nerînê Mensûrê Helac e, ku mirov parçeyek ji Xweda dibîne, ji bo vê Xweda di mirov de tê dîtin.


**Ez rastî me**, tê wateya ku rastî Xweda ye. Di mirov de her du giyan (Xweda û mirov) di yek laşî de dîsa yek in.

Hizir û ramana Mensurê Hallac di van gotinêj jêr de tê diyarkirin:  
“**Ez ew im, yê ku ez hez jê dikim û heyranê wî me.**  
**Yê ez hez jê dikim derveyî min kes nîn e.**  
**Em di bedenekî de du giyan in.**  
**Dema te li min nêrî, tu wî dibînî.**  
**Weke ku çawa te ew dît, tu min dibînî”.**

**Mele Ehmedê Cizîrî û Felsefeya Tesewifê :**

Mel Ehmedê Cizîrî di navbera salên 1570 û 1640 de jiyaye. Li Cizîra Botanê ji dayîk bûye. Ehmedê Cizîrî, mîna **Elî Herîrî**, **Ehmedê Xanî** û **Feqiyê Teyran**, yek ji helbestvanê mezin ên kurd e.

Di afirandina her tiştî de beriya hemûyan xwedayê mezin, an nivîskarê giyan, ji rewana xwe afirand û rewan kir bedena mirovan. Ev afirandin bi hunereke pir zana û bilind hatiye nîşandan. Di afirandina hebûna bedenê de, nexşekî bi hunerî û narînî hatiye avakirin. Ji berê de afirandina xweda seranser bi nexşekî ronahî hatiye neqişkirin. Ew nexş di dîmen ango kevala mirov de bi aheng e. li ser afirandina hebûnê jî Mela Ehmed wiha dibêje:



**Herfêن kişandî katibî nûra di ruh û qalibî  
Yek yek bi ismî wehibîrab û cezm û nuqte da.**

Cizîrî ramanêن Helacê Mensûr pîroz dibîne û gotina wî ya ene el-heq dipejirîne.

**Celaledîn El-rûmî (1207-1273) :**

Li Anatoliyê jiyan kiriye. Nerînêن wî pir cuda ne. Xwestiye zanînê bi rêya hezkirina mirov bixe pergalekê. Di felsefeya El-rûmî de, hezkirina tevahî mirovan bingeh tê girtin. Li gorî wî, mirov ji kîjan netew yan olê be bila, lê divê were hezkirin, ji ber ku nirxên mirov ji afirîneriyê tê girtin. Erkê mirov ew e ku xweşikbûn û başbûna Xweda bizanibe û têbigihîje, ji bo vê jî wiha dibêje;


**“Were, were, dîsa were, tu ji ku derê bî  
û kî bî, dîsa were.**

**Were, dixwazî pûtperest bî, gawir bî,  
yan jî bi xweşdîtin bî, lê dîsa were.**

**Ew dergeha me ne dergeha bêhêvîtiyê  
ye.**

**Te sed carî tobe kiribe û xerabî kiribe  
jî dîsa were”.**

Di van hevokan de nirxdayîna mirov û hezkirina mirov tê ragihandin. Cewherê mirov xwedayî tê dîtin û bêcudahî, jê re nirx tê dayîn.



## Ronîkirin

### Ibin Ruşd dibêje:

Felsefe rêya xwegihandina zanînê ye û ji bo naskirina sedema hebûnê dibe jêdereya zanînê. Daxwaza Ibin Ruşd, ew bû ku nakokî di navbera oldar û filozofan de, bi dawî bibe û oldar destwerdanê di tevgera filozofan de nekin. Bi nerîna Ibin Ruşd zehmete, oldar bigihêjin wê baweriyê ku filozof xwedî ramanên azadin û bi azadî xwe digihînin rastiyê. Oldar bi van hişkbaweriyêن xwe li pêşîya azadiya hizira fflozofan dibin asteng.

## **PIRSÊN NIRXANDINÊ**

1. Felsefeya işraqî li cem suhrewerdî şirove bik.
2. Ibin Arebî di felsefeya xwe de ci nirk daye jinê?
3. Çima Hellacê Mensûr hat darvekirin?
4. Felsefeya Rûmî ya derbarê mirov de, şirove bike.

### **Lêkolîn**

Bi hevalên xwe re, li ser felsefeya Melayê Cizîrî lêkolîn bike.



## **BESA DUYEM**

### **FELSEFEYA ÇAXA VEJÎNÊ (RENAISSANCE)**

- 1. FELSEFEYA ÇAXA VEJÎNÊ**
- 2. (RENAISSANCE).**
- 3. NÛNERÊN FELSEFEYA RONESANSÊ  
(1).**
- 4. NÛNERÊN FELSEFEYA RONESANSÊ  
(2).**

### FELSEFEYA SERDEMA VEJÎNÊ (RENAISSANCE)

Ronesans, peyveke Fransî ye, tê wateya ‘ji nû ve **bûyîn’** û **‘avabûn’**. Ji sedsala 15’an heta sedsala 16’an re, ronesans tê gotin. Ji Ïtaliyayê des pê kir, piştre li Ewropaayê belav bû û çanda Ewropa xwe ji nû ve afirand, dîsa ronesans bû pireyek di navbera serdema navîn û ya nû de, lewra Abdulla Ocalan wê weke şoreşa hişmendiyê (**bîrûbaweriyê**) dinirxîne.

Ronesans tevgereke çandî ye, li hember felsefeya olî ya serdema navîn ku bi serdema tarîtiyê tê nasîn, derket û bi ketina Romayê re bi pêş ket. Di wê demê de Ronesansê bi xwe re, nûkîrinê tîne, nûkîrinênen curbecur ku di aliyên wêjeyî, olî, avahî, felsefeyî, zanistî, siyasî, civakî, wênekêşî û hwd pêk hatin û ev nûkîrin dibin sedema serhildan, şoreş û guhartinêen balkêş.

Mirov dikare bêje ku Ronesans şoreşa duyemîn piştî şoreşa neolîtîkê ye ku ev her du şoreşen bingehîn bandora xwe li ser tevaya cîhanê kirine û hîn jî hebûna xwe berdewam dikan. Şaşîyeke gelekî mezîn e ku mirov şoreşa Ronesans bi kapîtalîzmê ve girê bide, Ji ber ku ev Şoreş mîna şoreşa civaka neolîtîk a Sumeran li Mezopotamyayê û ya bajaran a Helenan li peravêن Egeyê ku li dijî civakên ‘berber’ pêk hatiye.

## Hin sedemê derketina ronesansê:

1. Piştî ketina Qestentîniya, zanyar û ramyarên wê ji neçarî koçberî Ewropaayê bûn û li wê derê bandorek mezin li belavkirina zanistê kirin û ew ji doxmaya wê ya hizirî rizgar kirin.
2. Bi Vedîtina kaxez û çapxaneyê çand û zanist li Ewropaa xurt bû û pirtûk bi zimanê neteweyî ji dêlva bi zimanê latînî hatin çapkiran.
3. Di encama Êrîskirina xaçperestan li ser Rojhilat, çanda Rojhilat derbasî Ewropaa bû û bû sedema veguherînekê. Ji ber lawazbûna rola dêrê, Tevgera mirovperwerî (Humanîzm) ya ku mirov bi nirx didît derket pêş û dêra kasolîk kir cihê rexneyê.

## Taybetiyê felsefeya Ronesansê :

1. Mirovperwerî (Humanîzm): Mirovê Ronesansê wek nimûneyî derket holê. Ango mirovekî ku bi her aliyêن zanist, jiyan û hunerê re mijûl dibe derket holê. Humanîzm ji bandora ola Xiristiyaniyê û Îslamê tê derxistin û bi Ronesansê re tê sentezkirin.
2. Sirûştparêzî (Naturalism): Di Ronesansê de jî mirov û xweza bingeh dihatin girtin û rîbaza ezmûnkirinê dihat bikaranîn. Felsefeya Sirûştparêziyê jî ji bandora hizira filozofê Îslamê Ebû Bekir Razî derket.
3. Têgeha gerdûnê zindî dihat dîtin û bandoreke mezin li ser pêşketin û derketina Ronesansê kiriye.

## Encamên ronesansê:

1. Ol ji aliyêni siyasi û hizirêni aborî, civakî, çandî û zansitî cuda bû.
2. Derketina tevgerêni sererastkirina olî li hember deshilatdariya dêrê, wek tevgera Martin Loser.
3. Bidawîbûna sîstema feodalîzmê.
4. Di encama pêşketina di hemû aliyan de, dewlet û netewêni nû derketin.
5. Bi Ronesansê re jin ji wan çarçoveyêng teng hat rizgarkirin û rolek mezin di avakirina civakê de lîst.
6. Di vê qonaxê de vedîtinêni nû, weke herdu Amerîka, Usturaliya û hwd derketin.

Bi Ronesansê re mirov, ji navendgirtina sazûmaniya desthi-latdariyê derdikeve, xwe dixe navenda pêşketinê, herwiha bi xwe re du vedîtinêni nû derxist holê ew jî **Platonîzm** û **Arîstogerî** ne.

## Platonîzm:

Platonîzm, tê wateya ‘Platoniya Nû damezrînerê wê Plotinus bû, ew filozofekî herî girîng û herî dawî yê serdema Helenîzmê ye. Felsefeya Platon bingeh girtiye. Wekî din jî, ji dibistanê Arîsto, stoicism(**rewaqî**) û Pythagoras bandor bûye.

Felsefeya Plotinus a derbarê giyan de; beriya her tiştî li dijî materyalîzmê (**heyberperestî**) bû û li gorî wî cîhan xwe dispêre bingehêke arîşen û giyanî. Giyan, giştiyek e, nayê parçekirin, ne lebatekî laş e û li seranserî laş belav bûye. Li ser laş serwer e û teşe dide wî.

Giyan bi mirinê re ji laş dûr dikeve. Laş bi mirinê dawî lê tê, lê giyan bêmirin e. Piştî mirina laş, giyan ji xwe re li teşeyekî nû digere.

Nerîna wî ya derbarê cîhanê de; “Xweda çavkaniya her tiştî ye. Her tişt li derdora xweda dizîvire û careke din lê vedigere.

Felsefeya Platonîzm bi giranî bandor li ser felsefeya Îslamê kiriye û bi rêya Îslamê, Rojava felsefeya Platonîzm nas kiriye û bandoreke mezin li ser filozofên serdema Ronesansê kiriye.

Di dema Ronesansê de nerînên Platon û Plotinus têngotûbêjkirin û nirxandin û weke Platonîzma nû têngotûbêjkirin, herwiha Rojavayî ji filozofên Islamê fêrî felsefeya Arîsto dibin. Di dema Ronesansê de nerînên Arîsto jî ji nû ve têngotûbêjkirin û destgirtin û ji van nerînan re **Arîstogerî** tê gotin.

## **PIRSÊN NIRXANDINÊ**

1. Ronesansê pênase bike.
2. Sedemên derketina Ronesansê diyar bike.
3. Çi taybetiyên felsefeya Ronesansê ne?
4. Encamên ku ji serdema Ronesansê derketin çi ne?

## WANE 2

### NÛNERÊN FELSEFEYA RONESANSÊ (1)

#### Nikulas Kubrnykus (Nîkolas Kopernîk 1473-1543) :

Kopernîk li ser zanista astronomî bi awayê girêdayî zanista endezeyê (geometriyê) disekine. Li gorî baweriya olî ya wê demê, cîhan (goga zemînê) navenda gerdûnê ye û her tişt li derdora cîhanê, dizîvire. Lê encamên lêkolinêن Kopernîk, da nîşandan ku roj navend e û tevaya gerstêrk û cîhana me jî li derdora rojê dizîvirin. Cîhan di nav tevgerê de ye. Ji vê pêşketinê re **Şoreşa Kopernîk** tê gotin, lê ev nerînêن Kopernîk, li dijî baweriya olî ya wê demê ye û ev li pêşıya hizira olî dibe astengk, ji ber ku astronomiya olî ji kok ve vala derdixe û bandoreke pir mezin li ser zanistê dike.

#### Giordano Bruno (Ciyordano Birono 1548-1600) :

Bruno, filozofekî Îtalî ye, li hember Hermetîzmê derdikeve, ji hizirêن Kopernîk bandor dibe û dipejirîne û dixwaze wergerên hizirêن Misriyan pêk bîne. Digot Îsa weke kes nîn e, hatiye afirandin. Ji ber van nerînêن xwe neçar dibe ku ji Îtalyayê derkeve û li **Fransa, Almanya û Îngilîstanê** bigere.

Dema li Îngilîstanê bi cih dibe, li dijî dêra Katolîk derdikeve û çend pirtûkên felsefeyî dinivîse. Piştre nerînêن xwe bi nerînêن Kopernîk re sentez dike û hizira ‘roj navend e’ diparêze.

Bruno ji ber van nerînêن xwe neçar dibe ku li gelek cihan bigere. Herî dawî tê Îtalyayê û ji aliyê dadgeha olî ve tê girtin. Piştî lêpirsineke dûdirêj û ji ber ku Bruno ji ber hizirêن xwe poşman nedibû û gava xwe paş ve nedavêt ji aliyê dadgeha olî ve, sizaya şewitandinê lê tê birîn.

## **Johanne Kepler (Johan Kepler 1571-1630) :**

Kepler jî teoriya Kopernîk dipejirand. Kepler hem mamosteyê bîrkarî bû, hem jî li gel astronomiyê li ser astrolojiyê jî mijûl dibû. Li gorî astrolojiyê rojnameyekê jî çê dike û çavdêriya rewşa hewayê dike. Digot; “**Di navbera gerdûnê û mirovan de têkilî heye**”. Ji bo vê li ser astrolojiyê disekinî.

Pirtûkekê bi navê ‘**Astronomiya nû**’ dînivîse. Di vir de li hember nerînên Kopernîk û mamosteyê xwe Tycho Brahe yên ku dibêjin gerstêrka Mars (Behram yan merîx) tev nagere, diseleine. Di encama çavdêriyên xwe de dibîne ku Mars di nav tevgerê de ye.

Piştî wî jî astronomê bi navê Brahe di navbera salên 1619-1621'an de pirtûkekê bi navê ‘**Cewhera Astronomiya Kopernîk dînivîse û dibêje**; “tevayî gerstêrk bi heman alî ve li ser rêge-heke bi awayekî elîps tev digerin”.

## **Galileo Galilei (Galîlyo galîlê 1564-1641) :**

Galîlê, weke Demokrîtos cewhera hebûnê bi atoman radigî-hand. “**Yên ku em dikarin bipîvin em dizanin, yên ku em nikarin bipîvin em nizanin**”.

Galîlê bîrkarî weke zanista bilind dipejirand. **Teoriya Kopernîk** a ku roj weke navenda gerdûnê didît diparast. Giroverî û tevgera cîhanê dizanîbû, lê heta ku mir dêr û dadgehêن olî nedîhiştin ku ramanêن xwe belav bike. Ew her tim di bin çavdêriya dadgehêن olî (Engîzisyonê) de bû. **Niyûtin (Newton)** di sala 1682 an de **destûra kêşana zemînê** ragihand. Bi vê destûra kêşana zemînê nerînên Kopernîk û Galîlî hatin pejirandin.

## **Francis Bacon (Firansis Bakon 1561-1626):**

Hizirvan û filozofekî Îngilîzî ye. Dibêje ku armanca felsfeyê xwegihandina zanînê ye û armanca zanînê serweriya li ser xwezayê ye. Felsefeya dibistanan bê sûd û bê encam dibîne û kêmasiyê di rîbaza hizirandina li cem filozofên Yewnan û yên serdema Navîn ên ku digotin xwegihandina zanistê tenê bi awayekî tewrî ye, lê wî rêya çarekîrinê di ezmûnkîrinê de didît. Ramana ku dibîne mirov tenê bi hiş, zanînê bi dest dixîne, rexne kir û li hember hizira Aflaton û Arîsto der ket. Tenê çare di rîbaza tewriya zanistî ango zagona zanistî de didît. Ev hizirvan li dijî rîgezêن Arîsto yên ku dibêjin: “Rêgeza rast, tenê ji giştîhatinê (deduction) derdikeve” û ew ji rîgeza gihîstina giştîyê (induction) rasstir dibîne.



Bacon li beramberî pirtûka Arîsto ya li ser vacê (vacê), ya bi navê ‘Organûn’ ya ku nerînê wî yên derbarê giştibûnê de tîne ziman, rexne dike. Organona nû jî nivîsiye.

Di dema Ronesansê de, li ser dewlet û mafdariyê jî hizir û ramanê balkêş derketine holê.

Mafê ku wek Hogu Giofius tê binavkirin bi rengê du baskan tê destgirtin: Mafê xwezayî û Mafê erêni (pozîtîf).

**Mafê xwezayî:** Tê wateya ku maf li her cihekî heye, yek gerdûnî ye. Weke mafê jiyanê, mafê axaftina zimanê dayîkê û mafê cih û warbûnê.

**Mafê erênî (pozîtîf):** Ew mafê ku li gorî serdeman û li gorî rewşa civakan tê guhartin, yan jî tê pêşxistin.

### Binase

Kopernîk, dema ku li ser doşeka mirinê ye, guftûgoyêñ tund li ser pirtûka wî ya bi navê (Rêberiya Sermedî) têñ kirin, ew jî wiha bersivê dide; “Ew bixwazin û nexwazin jî cîhana me li dora xwe dizîvire”.

Hermetîzm; JI wan hizirêñ ku jî sêhir û olê pêk tê re, tê gotin. Weke peyv jî, di dema pêxember Mûsa de li Misrê derketiye holê, senteza “xwedayê zanist û jêpirsînê” di nav xwe de, digire. Li Yewnanê jî ji navê xweda Hermes hatiye.

## **PIRSÊN NIRXANDINÊ**


1. Di ronesansê de, çi guhertin bi hizira Kopernîk re derketin holê?
2. Kuştina Birono ji aliyê dadgehê olî ve, ji te re tê çi wateyê?
3. Cewhera hebûnê li cem Galîlê bid nasîn.
4. Naveroka felsefeya Bakon şirove bike.

## Wane 3

### NÛNERÊN FELSEFEYA RONESANSÊ (2)

#### Machiavelli (Mîkyavîlî 1469-1527):

Mîkyavîlî , li Îtaliyayê li bajarê Floransayê hatiye cîhanê. Derbarê dewlet û neteweyê de, nerînên wî yên balkêş hene. Li gorî Mîkyavîlî, dewlet ji bo vê cîhanê ye û tu têkiliyên wê bi axretê re tune ne. Bi vê ramana xwe daxwaz kiriye ku **dêr û dewlet** ji hev veqetin. Têgeha dewleta Laik (bêolî) ji aliyê Mîkyavîlî ve hatiye pêşxistin. Bi nerîna wî dewlet, ne ya civatêن olî û umetê tenê ye; pêwîst e ya neteweyan be jî û divê dewlet û karê oldarî ji hev cuda bibin. Li gorî nerîna wî, divê dewlet ji aliyê kes-ên zane û têgihiştî ve were rêvebirin, lê nerînên wî yên ku desthilatdariyê, di her karêن rêveberiyê de mafdar dibîne jî, hene. Her kiryarêن dewletê rewa dide nîşandan, herwiha desthiladarî û dewletê, mafdarê tevahî destûrêن hişk û nerm ên rêvebiriyê dibîne. Li dijî mafê kes e û yê dewletê bilindtir dibîne û bi vê yekê, dewletêن neteweyî pêş dikevin û cih digirin.



Mîkyavîlî dixwest li Îtalyayê dewleteke netewî ya yekgirtî ava bibe. Bandora xwe li ser gelek hizirvan û siyasetmedarên desthilatdar dike. Di nerînên xwe de desthiladariya hişk û bê sinc diparêze. Destûrêن sinc û pîvanêن nirxêن hevpar napejirîne. Ji bo parastina dewlet û desthilatdariyê her rêyan rewa dibîne, ev dibe destpêkirina her kar û xebatêن berjewendîparêz.

Bi giştî nerînê wî yên derbarê dewletê de, di pirtûka wî ya bi navê Desthilatdar (**Hukumdar**), derdikevin.


### **Martin Luther (Martin Loser 1483-1546):**

Bêguman, ronesansê ne tenê di aliyên olî de guhertin çê kiriye, lê wêrekiya mirov jî bi pêş xistiye û guherînê girîng di nava civakê de, pêk anîne û...hwd û pêre gelek ramyarên mîna Loser derketin holê.

Ji ber ku dêr di wê demê de, di rewseka xerabûyî (aloz) de bû û ji erkên xwe yê olî yê resen jî gelekî dûr bibû û bêtir bi karê cîhanê û siyasetê mijûl dibû, lewra Martin Loser weke tevgereke sererastkirinê li hember dêrê û hizirên wê yên xerab derket û êrîşî perensîba Indulgences (**firotina gunehan û kirîna buhiştê bi pereyan**), kir.

Di sala 1517 an de, Loser li ser deriyê dêra Wittenbeggê daxuyaniyek ku ji 95 xalan, pêk dihat daliqand û têde firotina gunehan bi pereyan bi tundî rexne kir û got: **“Ji bilî Incîlê baweriya me bi tu tiştên din nayê”**.

Bi nerîna wî rîya xwegihandina xweda û rizgarkirina ji gunehan, tenê di baweriyê de ye. Mirov dikare rasterast xweda di dilê xwe de bibîne, herwiha kahin jî mirovinî normalin û ji bo birêvebirina gel di pêkanîna perestinêwan de, hatine bijartin.



**Loser**, hewildana damezirandina dêreke Elmanî ya serbix-we û netewyî, kir. Herwiha daxwaza mafê azadiya kesan di gelek aliyên olî de kir. Mînak: mafê jin û mîr di rahibtiya dêrê de (ku ci jin bin ci mîr bin, dikarin bibin rahibêن dêrê û kengî bixwazin dest jê berdin, ew serbestin).

Bi saya veditina çapxaneyê, ramanê Loser yên sererastkirinê hatin çapkiran û li tevaya cihanê belav bûn.

## **PIRSÊN NIRXANDINÊ**

1. Çima Mîkyavîlî daxwaza jiheveqetandina dêr û dewletê kiriye?
2. Sedemên derketina Loser di dema ronesansê de, çi ne?
3. Li gorî Loser, çi erka rahibane?

### **Lêkolîn**

Mîkyavîlî di nerînên xwe de, desthiladariya hişk û bê sinc diparêze û bandora xwe li ser gelek hizirvan û siyaset-medarêن desthilatdar, kiriye.li ser hizirêن Mîkyavîlî, bi hevalên xwe re lêkolîn bike û girêdana wê bi rewşa heyî re bid diyarkirin.



# **BEŞA SÊYEM**

**FELSEFEYA RONAKBÛYÎNÊ**

- 1. FELSEFEYA RONAKBÛYÎNÊ.**
- 2. PÊŞENGÊN FELSEFEYA RONAKBÛYÎNÊ  
YÊN SEDSALA 17'AN (1).**
- 3. PÊŞENGÊN FELSEFEYA RONAKBÛYÎNÊ  
YÊN SEDSALA 17'AN (2).**
- 4. PÊŞENGÊN FELSEFEYA RONAKBÛYÎNÊ  
YÊN SEDSALA 18'AN (1).**
- 5. PÊŞENGÊN FELSEFEYA RONAKBÛYÎNÊ  
YÊN SEDSALA 18'AN (2).**

## Wane 1

# FELSEFEYA RONAKBÛYÎNÊ

**Ronakbûyîn;** ew felsefeya ku di sedsala 17an û 18an de, li rojavayê Ewropayê derketiye û bi felsefeya Ronesansê bandor bûye. Weke tevgereke siyasî, civakî, çandî û felsefeyî ye, di sedsala 18 an de li Ewropaayê bi pêş ketiye û bûye bingeha gelek şoreşan. Mînak: şoreşa **Ferensî, Eemerîkî** û ....hwd. Ramana herî sereke ya felsefeya vê serdemê hişe. Bi hiş mirov dikare hemû pêşdaraz û baweriyyê kevneşopî derbas bike, herwiha ji bo sererastkirina jiyana civakî û pêşketina wê jî, hiş rola kilîtê dilîze.

Felsefeya ronakbûyînê, di çarekirina gelemse û nezaniyên di nava civakê de belav dibin, rolê dide hiş û li hember ramanên **olî, zanistê** bi cih dike.

Di dema ronakbûyînê de, felsefe di bin bandora hiş de, bi pêş dikeve û rola xwe dilîze, ji ber vê yekê, ji vê sedsalê re, **sedsala felsefeyê** tê gotin.

## Pêşengên felsefeya ronakbûyînê

Tiştê ku bi pêvajoya Ronesansê re derket, felsefe ji nû ve zindî kir . Filozofên sedsala 17an, ji bo ku felsefeyeke bi sazûman biafirînin, hewil dane ku gotin û têgehêن wê demê, binasin û sentezeke nû ya zanînê jê re çêkin û bi pêş bixin. Felsefeya sedsala 17an weke felsefeyeke **rasyonalîst(hışperest)**, derdiikeve holê. Felsefeya hışperestî ya vê sedsalê, bi awayekî diyar di bin bandora fizîk û bîrkarî de teşê, digire. Ev Felsefe bi giranî rêgez û têgînên xwe ji felsefeya sedsala 17an girtine. Filozofên ku di sedsala 17an de dijiyan, weke: **Descartes, Hobbes, Spinoza, Leibniz** û **Berkeley** bi nerînê xwe yên felsefi yên girîng, ji Felsefeya Ronakbûyînê re pêşengti, kirine.

## Rêne Dîkart (Rene Descartes 1596-1650):

R. Dîkart yek ji hizirvanê sazkar ên rojavaya nûjen e. Wekî bavê felsefeya nûjen jî tê binavkirin. Xwestiye ku felsefeyê bi bîrkariyê re, bike yek. Di dema xwe de, ji derveyî bandorên olî, dibe yek ji wan kesên ku bi wêrekî hizira felsefeyê bi pêş xistiye. Di çêbûna hizira Rasyonalîzma rojavayî de, di aliyê bikaranîn û avakirina rîbaza mekanîk û analîtîk de, xwedî risteke girîng e.

Mirov dikare felsefeya Dîkart , weke felsefeyeke du aliyên ku hev temam dikan, şîrove bike.

**Ya yekê;** felsefeya ku kirde wek bingeh digire dest.

**Ya duyem ;** felsefeya ku bi giranî di bin bandora bîrkariyê de ye, şêwazê hizirandina analîtîk û mekanîkî bingeh digire.

## Dîkart, ci rîbaz di felsefeya xwe de bikar anije?

Dîkart, bi gumanê dest bi kar dike. Di felsefeya xwe de, **gumantiyê** weke rîbazeke bingehîn bi kar tîne.bi taybetî li ser mijara pirsgirêk û rîbaza gihîştina zanista (zanîna) mutleq û rast rawestiyaye..

Ji bo Dîkart rastiya bêguman, ew kirdeya ku bi gumantiyê xwe digihîne rastiyê. Vê yekê bi gotina ‘ez dihizirim wê demê ez heme’ tîne ziman.

Ev zanîneke bi vî awayî ye, ku êdî ji wê guman nayê kirin. Li gorî wî, kirdeya ku pîvana her tiştî ye ‘ez e’. Dibêje; “**Cîhana derveyî hejmar, bîrkarî û vacê (vac), jidayîkbûnê tê**”. Bi vî awayî xala destpêkirina tevayî zanistan, ya ku kirde bingeh digire ye, yan jî hizirandin bi xwe ye. Dîkart, bi vî awayî felsefeya xwe ya rasyonalîsta zanistî ava dike.

## Dualîtiya Dîkart:

Felsefeya Dîkart, li ser bingeha du rêgezên ku tu têkiliyêñ wan bi hev re nîne ye û xwe dispêre heyînêñ heyberî yan jî giyanî û bi vê dualîteyê, tevayî heyînan weke giyan û laş, kirde û bireser, parce û giştî, fizîk û metafizîk datîne hember hev. Ji bo vê, bandora xwe li ser filozofêñ ku piştî wî hatine hem yên îdealîst û hem jî yên materyalist kiriye.

Dîkart , felsefeya xwe li ser bingeha **mekanîk û analîtîk** dire û xwe digihîne rîbaza hizirandineke wiha. Ev rîbاز, heyînan di nav sîstemeke mekanîkî de şîrove dike. Giştîbûnê parce parce dike û ji rastiya wê qut dike (dibire) û li gorî wê jî nirxekî tevgerê dide wê.

Felsefe û rîbaza Dîkart, ji aliyê filozofêñ ku piştî wî hatine ve, bi awayekî ji dil bûye mijara rexnekirinê. Felsefe û rîbaza hizirandina wî, ji bo pêşketina felsefeyê qonaxeke dîrokî bi xwe re, derxistibe jî, lê ji bo roja îro, di gelek aliyêñ xwe de hatiye derbaskirin û nayê pejirandin.

## **PIRSÊN NIRXANDINÊ**

1. Ramana herî sereke ya felsefeya serdema Ronakbûyînê  
çi bû? binirxîne.
2. Wekî pêşketineke dîrokî; Çima felsefeya ronakbûyînê  
derket.
3. Çima Rene Descartes beden û giyan ji hev cuda kir.?


## PÊŞENGÊN FELSEFEYA RONAKBÛYÎNÊ YÊN SEDSLAL 17AN (1)

**Thomas Hobbes (Tomas Hobiz 1588-1679):**

T. Hobiz filozof û ramanwerekî materyalîst ji, Îngilîstanê ye, di felsefeya xwe de nerînê derbarê dewlet, mafnasî û polîtikayê de, bi pêş xistiye.

**Gerdûn li gorî Hobiz çawa çê dibe?**

li gorî wî gerdûn ji yekîtiya heyberên ku ji aliyê zagonêن livdariyê ve têن birêvebirin, çê dibe. Mirov û lawir jî parçeyêن wê tevahiyê ne û jiyana wan ya giyanî û fizîkî bi temamî girêdayî wan zagonan e û li gorî wê tev digerin, herwiha giyan, ferîşte û xweda jî, tune ne û ev tişt bi tenê hilberên ramanî ne.



Di gerdûnê de, wek cewherekê tenê heyber heye. Lê tevî vê jî, felsefeyê dadixîne asta rêgezên rewanî, bîrkarî û vacê(vacê). Ji bo vê her tiştên li gerdûnê pêk têن, pêwîst e bi spartina sedemên heyberî ve bêن şîrovekirin.

**Hobiz felsefeya xwe di derbarê dewlet û siyasetê de, çawa ava dike?**

Felsefeya xwe ya di derbarê dewlet û siyasetê de, li ser encamên xwegihandina xwezaya mirovan, ava dike. Ji ber ku

Hobbes bi xwe weke zagonêñ tevgerêñ mekanîk ên gerdûnî bawer dike, xwezaya mirov jî bi spartina zagonêñ tevgera mekanîk rave dike.

Bi nerîna Hobiz mirov gurê mirove, bi xwezaya xwe ezez û berjewendîparêz e, di nava nakokî û tekoşînê de ye û mirov ji bo hev û du weke hêmanêñ gefxwarinê ne, Lewma; ji bo ewlekariya her kesî, pêwîstî bi “**hêzeke tekez**” ya ku mafê her kesî li berçavan bigire, heye. Dewlet, dad û peymana civakî ji vê pêwîstiyê derdikevin holê. Her wiha Hobiz, neçarbûna dewletê dispêre ser van rastiyan.

### Barox Spînoza(Baruch Spinoza 1632–1677):

Fîlozofekî cihû ye, li Holendayê ji dayik bûye. Li gorî hîzir û ramanêñ Spînoza; “her tiştê heyî Xweda pê dizane. Ev heyînêñ ku hene jî li gorî sazûmaniyeke di nav neguhartinê de hatine afirandin. Ji bo em xweda nas bikin, divê em ên ku hatine afirandin, tevahî heyîn û hebûnan bizanibin”.



Xweda bi rêya hiş tê zanîn û çavkaniya zanînê hiş e. Spînoza, çar teşeyên zanînê yên bi hiş wiha radigihîne:

1. Zanîna ku di hişê mirov de ye; ew zanîna vekirî ye. Weke bîrkarî û vac (vac).
2. Zanîna bi hev pîvan; Weke sar hebe, germ jî heye. Heger tiştek kêm be dikare zêde bibe. Heger tarîbûn hebe, wê ronahî jî hebe.
3. Zanîna ku bi ezmûnkîrinê tê bidestxistin. Mînak: Dema ku av grem dibe, mirov dizane ku wê mirov bişewitîne û dema li ezmanan ewrê reş kom dibe, mirov dizane wê baran bibare.

4- Zanîna ku bibihîstin û hestkirinê tê bidestxistin. Weke ku tu neçûyî wenatekî, lê te pê bihîstiye yan te deverek nedîtiye, lê te ji hinekan guhdar kiriye.

Ji ber van nerînê xwe, Spînoza weke rasyonalîst tê dîtin. Spînoza, li dijî nerîna Dîkart ya du cewher (heyber û giyan), derdikeve. Li gorî hizirbûna wî yek “cewher” heye, ew jî heyîneke xwedayî yan jî xwezayî ye. Bi vê têgihîştina xwe, gerdûn û xweda yek dibîne. Ji bo vê nerînê, ji Spînoza re Panteîst (her tişt weke perçeyek ji xweda tê dîtin)tê gotin. Ji ber sedema parastina cewherekî jî, Spînoza wekî Monîst (tekparêz) tê binavkirin. Bi van nerînê xwe, Spînoza dibe hizirvanekî balkêş û ciyawaz.

### **Leibniz (Laybintiz 1646 – 1716):**

Hizirvanekî rasyonalîst e, zimanê bîrkariyê bi kar tîne û derbasî mijarên felsefeyê dike. Laybintiz, zanînê di du beşan de digire dest:

1-Zanînêni hişî: Zanînêni vekirî û guncaw in. Zanîn, her tim di hişê mirov de hene, lê di demeke diyar de derdikevin derve.

2- Zanînêni bi lebatêni pêhesî: Ew zanînêni nevekirî û nezelal in, parce parce di serê mirovan de hene.

Laybintiz, li dijî nerînêni Dîkart û Spînoza derdikeve û nerînêni wan napejirîne û afirandina gerdûnê bi cewherekê radigîhîne. Lê vê nerînê hîn jî berfirehtir dike.

Laybintiz nerînêni xwe wiha tîne ziman; **“Di hejmareke bêdawî de, cewher hene. Ji van cewheran re damar an jî cewher tê gotin. Ev cewherêni bêhejmar û bêdawî, hev bandor nakin û ji hev cuda ne. Ji jêr heta jor bi sazûmani-yeke gerdûnî tevger dibin”.**



## **John Locke (Jon Lok 1632-1704):**

Jon Lok, di lêger û lêkolînên xwe de li ser mijara têkiliyêن mirov û civakê rawestiyaye. Derbarê zanîna mirov û dewletê de nerîn diyar kirine. Ev hizirmend, weke **bavê liberalîzmê** (ser-bestparêziyê) tê naskirin. Nerînên wî li ser sazûmaneke liberal hatine avakirin. Lok, nerînên xwe dispêre ezmûnkirinê û li dijî rasyonalîzmê derdikeve. Ramana ku dibêje; “zanîn jidayîkbûnê tê” nerast dibîne û li dijî vê nerînê diseleine û dibêje: “**Hişê mirov weke rûpeleke spî, vala û bê nivîs e. Ji zikmakiyê de, tu zanîn nayê, lê di pêvajoya jiyanê de bi ceribandin û ezmûnan zanîn derdikeve holê. Ev yek bi perwerde û hîndekariyê tê bidestxistin**”.

Bi van nerînên xwe Lok, dide ragihandin ku zanîn piştî jidayîkbûnê û ji şûn de çê dibe.

Ji ber vê jî Lok, dibe filozofekî Ezmûnger(Ampîrîzm).

Ew, dihizire ku bi rêya pêhesînan jî, rastî nayê dîtin, nayê têgîlhîstîn, ji bo vê sedemê Ezmûngeriyê bingeh digire.



## **Dewlet li gorî nerîna Lok:**

Felsefeya Lok ya mirovparêz wiha radigihîne; ”mirov hinekî baş e”. Ji bo ku başî, alîkarî û hevkarî pêk were, pêwîst e di rêverberiya dewletê de hevdengî û hevsengî hebe. Ev gengaz e. “**Heger di dilê me de destûrêن nivîskî nebin, em nikarin li tu deverêن din destûrêن sincî pêk bînin. Heger mirov destûrêن sincî bi rêya ezmûnên jiyanê digire û pêşdice, ev pêwîst û girîng e**”.

Ev nerîna Lok a derbarê sinc de ye. Li dijî dewleta Monarşîk derdikeve û vê nerînê diparêze; ”**Nabe ku mirov li gorî xweşiya hinekan xwe girê bide û bi rê ve biçe. Pêwîst e li vîn û azadiya xwe xwedî derkeve**”. Piştî van nerînan, Lok sazûmaniya dewleta liberal pêşwazî dike û diparêze.

Em dikarin vî hizirmendî weke aqilmend û şêwirmendê hilberîna kapîtalîzmê jî binirxînin.

Lok, pîvanêن yezdanî(xwedayî) di ser her tiştî re dibîne û li gorî vê jiyanê pêşwazî dike. Wiha dibêje; ”**Eger em bikaribin destûrên civakî sererast bikin, em ê bikaribin sinc jî sererast bikin. Ev bi rêya nîşana xweda pêk tê**”. Lok bi van nerînê xwe dibe xwedî nerîneke îdealîst.

## **PIRSÊN NIRXANDINÊ**

1. Bingeha felsefeya Hobiz şîrove bike.
2. Teşeyên zanînê li cem Spînoza bi mînakan şirove bike.
3. Nerîna Laybintiz di zanînê de şirove bike.
4. Nerîna Lok di derbarê sinc de, çi ye?

### **Mijar**


Lok dibêje: “**Hişê mirov weke rûpeleke spî, vala û bê nîvîs e û Ji zikmakiyê de, tu zanîn nayê**” vê yekê lêkolîn bik û nerîna xwe bid diyarkirin.

## WANE 3

### PÊŞENGÊN FELSEFEYA RONAKBÛYÎNÊ YÊN SEDSALA 17 AN (2)

#### Isaac Newton (Ishaq Niyûton 1642-1727) û Gerdûna Mekanîk:

Ishaq Niyûton, yek ji nûnerên yekemîn ê paradîgmaya modernîzmê ye. Di heman demê de, sazkarê destpêka fizîka klasîk e û di dema xwe de jî, yek ji kesên ku bîrkarî bi pêş xistiye. Bi awayekî



rasterast, bi felsefeyê mijûl nebûye, hîn bêhtir bi mijarêne weke **fizîkî, bîrkarî, kîmya û oldariyê**, mijûl bûye. Ji ber ku rastiya felsefeyê banê hemû zanistan e, tevayî zanist li cihekî xwe disperin felsefeyê. Di dema Niyûton de, zanist û felsefe hîn nehatibû cudakirin û her du jî di heman wateyê de dihatin bikaranîn.

Piştre, peyva zanistê di sedsala 19'an de hatiye bikaranîn. Niyûton, bi felsefeya zanistî mijûl bûye. Nerîna felsefeyî ya gerdûna mekanîk wê demê, pir dihat pejirandin. Fîzika Niyûton ji vê nerîna ku “**gerdûna nezindî, bêtevger û ji aliyê destûrên tekez ên fizîkî ve weke makîneyeke mekanîkî tê birêvebirin**” re dibe destekkeke mezin. Ev tekezbûn bi taybet ji pêşketina serdema ronakbûyînê û bi giştî jî ji paradîma û bîrûbaweriya modern re, rê vedike û li ser mijarêن hizirêن zanyarêن ji beriya xwe yên wekî **kepler, Galileo û Descartes** yeko yeko lêkolîn kiriye û ji wan bandor bûye, weke rêgezêن bîrkarî, tevgerêن mekanîk û tevgera gerstêrkan ava kirine, hîn kûrtir kiriye û pêşxistiye.

### Vedîtinêن ku Niyûtin bi nav û deng kirine ci ne?

Xebatêن weke di bîrkariyê de, di fizîka optîk (fizîka çavî) de teoriya şewq ji parçegogêن pir biçûk pêk hatiye, her sê zagonêن tevgera mekanîka klasîk û zagona hêza kêşana erdê vedîtine. Niyûton bi zimanê bîrkariyê gerdûn şîrove kiriye. Şîrovekirina Gerdûna fizîkî, bi vê rîbaza bîrkarî û tevgerêن mekanîkî, hizirê felsefeyê ji kûrahî bandor kiriye û li ser hinek hizirvanêن serdema ronakbûyînê jî bandor kiriye.

### Margaret Cavendish (Margarêt Kavindiş )

Ev filozofa mezin, di navbera salên 1623-1673 yan de jiyaye û perwerdehiya xwe li Îngîlîstanê dîtiye. Di sala 1667an de, cara yekem tevlî akademîya “ Royal Society of London” (Komeleya Qralî ya Londonê) bûye. Li gorî Margarêt, heyberêن (madde) sekinî tune ne, berevajî wê heyber zindî ne. Heyber û hiş hemû xwe dispêrin xwezayê,




heyber jî di nava xwe de, tê guhertin. Herwiha mirov jî têkildarî xwezayê ne û li ser xwezayê nikarin tiştekî bikin .Dîsa heyber û mirov hemû yek in û hebûnê diafîrînin.

**Margarêt** dibîne ku mirov ji dualyan pêk tê, yek jê heste û yê din jî objektîf (heyberî) ye, di nava her du aliyan de li şûna dijberiyê, lihevkirin heye. Dîsa li gorî wê, xweda tenê ji her tiştî bêalî ye. Li gorî wê, xweda di hişê mirov de nayê têgihiştin ji ber ku zanîna mirovan bi sînor e û vê nerînê diparêze. Berhema wê ya herî navdar (**Nameyên Felsefi**) û (**Qada Felsefeya Xwezayê**) ne. Nivîsên wê piştî mirina wê ji aliyê hevjînê wê ve, hatins weşandin.

### **Mary Astell (Marî Astêl 1666 – 1731):**

Mary, perwerdeya xwe ya olî, bîrkarîyî û felsefeyî ji apê xwe gitiye û roj bi roj xwe bi pêş xistiye. Piştre li Londonê bi cih bûye û bi hevaleke xwe re cihek girt û ew cih kir navenda rewşenbîrtiyê (**entellektueliyê**). Marî di dema xwe de wek filozofeke jin, hewl daye ku felsefeya **Dîkart** şîrove bike. Her wiha ji ampîrîzma(tecrîbîya) **Lok** bandor bûye. Li gorî wê, felsefeya zanistî, bi saya ezmûnkirinê tê bidestxistin, lewra Marî dibêje: “Hem mîr û hem jî jin bi saya ezmûnkiran xwe dikarin bi pêş bixin. Bi taybet, heke perwerdehî li gorî jinan bê teşekirin, perwerdehiya ku bê stendin, wê bixwebaweriya jinê zêde û bilintir bike”. Lê dîsa jî jin li gorî kevneşopiyêن civakî, tê paşxistin. Berhema wê ya herî bi rûmet ya bi navê”**A Serious Proposal to the Ladies**” (**Pêşniyareke fermî Ji Bo Xaniman**) e. Ev berhem di dema xwe de berhema herî berbiçav bû.



## Anne Finch Conway (Anê Conoway 1631-1679):

Li londonê ji dayik bûye. Di temenê xwe yê biçûk de hînî zimanê biyanî bûye û bi lêkolîna felsefeyê re mijûl bûye. Di sala 1645'an de, wê **Henrî More** nas kiriye û bûye xwendekara wî. Ji ber vê yekê roj bi roj li ser felsefeya Descartes rawestiyaye. Di sala 1670'yî de, wê zanyarê navdar yê bi navê **Franciscus van Helmut** nas kiriye û li ser felsefeyê pê re gotûbêj kiriye. Li ser vê yekê, hizirêne wê bêhtir zelal bûne. Anê, armancêne xwe derbasî kaxezan kiriye, lê yên ku ji wê mane bi tenê nivîsa bi navê “**Prensîpêne Bingehîn ên Felsefeya Kevn û Nûjen in**”, ya ku bi destêne xwe nivîsandiye.



Li gorî Anê, xweza zindî ye û ji ber ku her dem bi tevger e, mirov nikare serweriyê li ser bike. Dîsa li gorî wê, di her laşî de giyan heye. Ji ber ku laş û giyan ji cihekî têne, bi tenê teşeyên (şîklên) wan cuda ne. Di her tiştî de tiştek bi navê “Monad” heye û bandora monad li ser her tiştî heye. Monad wateya yekbûn û yekîtiya cîhanê, dinimîne (temsîl dike). Lê ev tişt di cîhana felsefeyê de bi saya Anê, ne bi saya **Leibniz bi** cih bûye.

## **RONÎKIRIN**

Weke ku hizirvanekî gotiye: “**Makîneya ku Niyûtin ava kiriye, weke dêwan her tişt ser û bin kiriye**”.

Marî Astêl di pirtûka xwe ya bi navê “**Hinek Ponijînên Li Ser Zewacê” de dibêje:**”Heke tevahî mîr azad têن cîhanê, wê demê kê ji we re gotiye ku jin kole ji dayîk dibin”.

## **PIRSÊN NIRXANDINÊ**

1. Vedîtinênu ku di felsefeya zanistê de ji aliyê Niyûtin ve hatine bipêxistin, çi ne?
2. Li gorî Margarêt, heyberê şirove bike.
3. Dualîzma Margarêt derbarê mirov de, şirove bike.
4. Nerînênu Marî Astêl ên derbarê jinê de, binirxîne.
5. Di felsefeya Anê de, Monad çi ye?

## WANE 4

### PÊŞENGÊN FELSEFEYA RONAKBÛYÎNÊ YÊN SEDSLALA 18 AN (1)

Fîlozofên Serdema Ronakbûyînê, felsefeya ronakbûyînê ya di sedsala 18an de derketiye holê, bi cih kirine. Lê belê felsefeya ronakbûyînê ne tenê di sedsala 18'an de ye, ev pêvajo xebatê hizirî yêن ku ji sedsala 17an û heta sedsala 19an de digire nav xwe. Lê ji ber ku van filozofan di sedsala 18an de felsefeya ronakbûyînê pêşxistine û mohra xwe lê dane, weke filozofên wê sedsalê, têن xuyakirin .

#### Berkeley (Biriklî 1658-1731):

Yek ji wan filozofên ku hebûna heyberî û gerdûna heyberî tune, dibîne. Bi hizir û ramana xwe li ser Îngilîzan bandor kiriye û bi taybet di sedsala 18an de weke rêveberekî hizirî, tê dîtin.

Biriklî, hinek nerînên Lok dipejirîne, lê di aliyê hizirî de nerîn û daxuyaniyêن wî, xwesser in. Li gorî vî filozofî ‘giyana gerdûnî’ di ser her tiştî re ye. Ev jî xweda ye. Biriklî, bi vê nerîna xwe, heyînan

tenê giyanî, dibîne. Bêguman ev nerîneke îdealîst e. Jiyana heyberî, rewşa heyberî û di encamê de avahiyêن civakî, tune dibîne. Wiha dibêje: “**Her tiştîk têgînek e, ya rast ne heyber e, giyan e, ango têgîna ku**



**di hişê me de çêdibe ye. Pejirandina cîhana derdorê ya heyberî ne rast e. Nerîneke wiha, nerîneke pûç û vala ye”.**


Biriklî, tevahî heyîn û hebûnan girêdayî vîna xweda dinirxîne, navê wê yê din “**giyana gerdûnî**” ye. Dide xuyakirin ku her tiştek ji aliyê giyana gerdûnî ve tê birêvebirin, rista vê giyanê ye. Di vir de rista heyberî tune ye. Bi vê nerîna xwe heyînan tenê giyanî dibîne, ji vê nerînê re Spîrîtûalîzm (giyanperestî), tê gotin.

### **David Hume (Dêvîd Hiyûm1711 – 1776):**

Fîlozofekî Iskotlendî yê îdealîst e, nerînên Lok û Biriklî parastiye û rêya hizirkarêن sedsala 18an, didomîne. Nerînên wî li gorî pêvajoya pêşketinê kapîtalîzmê ne.

Hiyûm, çavkaniya zanînê di pêhesîn û ezmûnkirinê de dibîne. Li gorî wî, bi ezmûnkirinê têkiliya sedem û encamê derdikeve, lê sedemê jî weke neçariyekê napejirîne, ji ber ku sedemê weke fêrbûnekê dide diyarkirin.

Ev nerîn, nerînên derveyî zanistiyê ne. Hatiye pejirandin ku bê sedem encam nabin û bê encam jî sedem nabin. Nepejirandina sedemê parastina qederê ye. Ger encam ne li gorî cih û demê be û sedem ne diyar bin, ev zanîn nabe zanîneke zanistî, wê bibe nerîneke qederparêz.



Hiyûm, ji bo ravekirina nerînê xwe, vê mînakê dide: “**Dema em xwêdan didin, em dizanin ku bi sedema bayê germ ev xwêdan çê dibe. Bi rêya vê zanînê em têdigîhin ku xwêdan ji bayê germ tê. Lê ew kesên ku di bayê germ de xwêdan nadin, ji bo wan ba ne germ e, yan jî bayê germ nabe sedema xwêdanê**”. Bi van gotinan jî tê diyarkirin û nasîn ku Hiyûm, di felsefeya xwe de sedemên tiştan napejirîne, di şûna sedem de fêrbûneke hişî dide pêş û nirxandinê xwe li ser vî hizirî dide rûniştandin.

Hiyûm, di hizira Îngilîzan de baskê îdealîzmê xurt dike, bi taybetî jî pêhesînan û ezmûnkirinê weke bingeha zanîn û rastiyyê dibîne û diparêze. Ji nerîna ku pêhesiyê diparêze re, **pêhesîn - hayjêbûn (Sensualism) tê gotin.**

### **Jean Jacques Rousseau (Jan Jak Roso 1712-1778):**

Fîlozofekî dema ronakbûyînê ye. Ji bo ronîkirin û zanînpêşxistinê, hewldanêن pir xurt daye meşandin. Di felsefeya xwe de, li ser ramyarî, dewlet, civak û perwerdeyê rawestiyaye.

Li gorî Roso, jixwebawerî û serbilindî di mirov de, dibe pêşxistina zanist û hunerê, lê berevajî vê, jiyanâ xweşî û tiraliyê (tembelî) dibe çavkaniya ketin û pûçbûna civakê. Roso, nerîna xwe wiha pêşkêş dike: “**Mirov li gorî xwezaya xwe, baş û rind e. Hêza mirov a xwepêşxistin û xwebirêvebirnê, heye**”.



Bingeha nerîna Roso dide diyarkirin ku di vê çarçoveyê de di xwezaya mirovan de, başî û rindî heye û veşartî ye, pêwîst e kêmâsî û pir başiyên mirov, di hebûna ramyariya civakî de, werin lêgerîn.

Roso dibêje: “**Mirov, di xwezaya xwe de paqij û vala ye, di nav jiyana civakî de teşe û dirûv digire û di encamê de, ew taybetî lê peyda dixin. Bi rêya pêşxistina pêkanînên mirovan, di pêşketina civakê re derbas dibe**”.

Li gorî vî hizirkarî pêşxistina rewşa civakê, karekî sereke ye. Ji bo tevahî dazanînên ku hatine weşandin jî nerînên Roso weke çavkaniyê, hatine girtin. Bi taybetî jî, Danezana Mafê Mirovan (1789'an) a Fransayê.

### Nebaşî li cem Roso ji ku derê tê?

Roso, li ser xwezaya mirov rawestiyaye û nerînên balkêş diyar kirine. Li gorî van nerînan dibêje: “**Ya ku xwezaya mirov xerab kiriye şaristanî ye. Di serî de newekhevî û kedxwariyê, xwezaya mirov pir êşandiye û çewisandiye û bingeha nebaşiyê jî ev e**”. Roso, li ser du cureyên azadiyê radiweste; **azadiya xwezayî û azadiya civakî**.

Divê ev nebaşiya ku şaristaniyê bi pêş xistiye, ji nû ve bi sazûmankirina azadiyê re, bê sererastkirin. Ji bo vê sedemê ronîkirina civakê, pêşxistina mafê mirovan û bi taybetî pêşxistina perwerdeya rast, girîng e.

### Nerînên Roso li ser perwerdeyê çi ne?

Roso, li ser xala perwerdeyê bi balkêşî radiweste û girîngiyê dide perwerdeya seretayî. Perwerdeya seretayî wek perwerdeya teşegirtina mirov dibîne.

Derbarê perwerdeyê de nerînên Roso balkêş in. Vegera perwerdeya xwezayî girîng dibîne û di seretayî de sererastkirin pêşniyar dike.

## Ev nerînên Roso têن ci wateyê?

Ji bo perwerdeya serdemî jî, xalêñ ku li ber çav werin girtîn hene. Zarok heta pênc salî di pêvajoya teşegirtinê de ye, hinek taybetiyêñ zikmakî hene, lê yê ku kesayetiya wî dihûne ew derdora ku tê de dijî ye, ew xwezaya ku di nav de ye, wî disitirê û jê re dibe bingehêke mayînde. Bi vê wateyê, perwerdekirina seretayî û rewşa jiyana civakî weke xala yekem, pêwîst e ku li ber çav bê girtin.

Îro pirsgirêka perwerdeyê ji bo her welatî, xaleke sereke ye. Mirov, bi perwerdeyê çêdibe, xurt dibe, yan jî dişkê. Dewletên rojava yên pêşketî, bi ezmûnkirinê gelek encamên cur bi cur, biberhem û destkeftî afirandine. Pêkanînên pêşketî encama vê perwerdeyê ye. Welatên paşdemayî, bi giranî êşa vê dikişînin. Şêweyê paşketî û nezanistî, bê berhem û bê encam dimînin. Perwerdeyeke girêdayî civaka sincî û polîtîk ji bo afirandina pêşeroja gelan, nirxê herî pîroz e.

## RONÎKIRIN

**Giyanperestî (spiritualism):** Tê wateya ku heyber û heyîn ji aliyê giyanê ve, hatine afirandin. Li gorî vê têgehê, giyan bilinde û heyber nizme û hertim pîvan giyane, bi pîvanê tê dîtin û têgihiştin û nerînên mengîweriyê jî derdixe pêş me.

## **PIRSÊN NIRXANDINÊ**

1. Nerîna Biriklî di gerdûnê de, binirxîne.
2. Çavkaniya zanînê li cem Hiyûm, şirove bike.
3. Xwezaya mirov li cem Roso, binirxîne.

### **Mijar**

Roso, li ser xala perwerdeyê bi balkêşî radiweste û girîngiyê dide perwerdeya seretayî. Li ser vê mijarê lêkolîn bike û nerîna xwe bid diyarkirin.

## WANE 5

### PÊŞENGÊN FELSEFEYA RONAKBÛYÎNÊ YÊN SEDSALA 18AN (2)

**Voltaire (Voltêr 1694 - 1778):**

Fîlozofekî Fransiz e. Ji bo ronakbûyînê û bi taybetî ji bo pêşxistina giyana nû, serpereştî kiriye.

**Voltêr**, weke xwendevanekî ronakbûyînê ye. Ji hizir û ramanên Lok bandor bûye û lê xwedî derketiye. Ev filozof xwediyyê baweriyeke yezdanî bû. Dema ku nerînê xwe pêşkêş dikirin, ev bawerî zêde berçav nedigirt. Pirtûka Voltêr ji aliyê deshilatdariyê ve hatiye şewitandin, lê dev ji xebatêن xwe berneda û hizira xwe domandiye. Voltêr, derbarê bawerî û azadiyê de wiha dihizire; **Dema ku ez daxwazêن xwe pêk bînim, ez azad im.** Ev nerînê wî yên derbarê azadiyê de hatine pêşwazîkirin. Lê Voltêr ev nerîna xwe guhart û gihişte wê encamê ku azadî ne bi daxwaziya xwe pêkanîn e. **Azadî neçarıya zanînê ye.** Tê wateya ku zanîn neçarî ye û li ser vê têgihîstînê hizra xwe berdawam dike.



Wiha dibêje: **Dema ku ez daxwaza xwe pêk bînim, ez azad im, lê belê di wan daxwazan de neçarî jî heye.** Li gorî vê nerînê azadî ne tenê daxwaza mirov û pêkanîna wê ye; di jiyana mirov de neçarî risteke girîng dilîze. Em baş dizanin ku gelek xwestek û daxwazêن mirovan ji neçariya jiyanê derdikevin.

**Voltêr**, li dijî hizir û ramanên kevneperest û yên girtî têkoşîneke berçav dida meşandin û bi taybetî nerînên olî yên berovajî nedipeji-rand û li dijî oldariya bi rêya ‘sirûş’yan radiwestiya û têkoşîn dikir. Digot: “**Oldariya bi vî rengî dibe çavkaniya nezanî û derewan**”.

Voltêr, li ser siyaset, hilbijartin, çapemenî, parlementoya azad rawestiyaye û di dema xwe de ramanên nûjen pêşkêş kirine. Hewldanên girîng bi pêş xistine, lê bi qasî ku nerînên Voltêr yên derbarê demokrasî û azadiyê de hene, lê mixabin ji bo çîna bindest bi azadî û demokrasiyê nedihizirî. Wiha digot:

“**Kengî gel û kesên nezan, dest bi guftûgoyê kirin wê demê wê her tişt bêñ windakirin**”. Bi van gotinên xwe, Voltêr weke hizirkarekî çîna burjûwazî derdikeve pêşberî me, ji ber ku çînên bindest û yên ku têñ çewisandin, xwedî mafê siyasî nabîne û wan mafdarê tevlîbûna rêveberiyê nabîne. Voltêr, bi van nerînên xwe weke alîgirê çîna serdest hatibû rexnekirin. Pêşketin û hebûna civakê bi têkoşînên di navbera çînan de dibîne û dinirxîne.

### **Immanuel Kant (Imanowêl Kant 1724-1804):**

Fîlozofekî Alman e; felsefeya wî felsefeyeke îdealîst e û li ser rexneyan radiweste. Ji bo vê sedemê jî ji felsefeya Kant re, **Rexnegerî - Krîtîszm (Criticism)** tê gotin. Kant, li ser hişê mirov nirxandinan dike, lê dikeve vê gumanê jî; “**Hişê mirov dikare çî bi ser bixe û çî bi ser nexe? Hêza hişê mirov çî ye? Hişê mirov heta ku derê bihêz e. Bê ceribandin hişê mirov dikare çawa bi ser bikeve?**”.



Dipirse û li ser van pirsan dikeve nava lêkolînekê. Bi van pirsan re, **rasyonalîzmê** û **Ampîrîzmê** tîne hemberî hev, dîsa ‘**dogmatîzm** û **Septîsîzmê(gumankerî)**’ jî tîne hemberî hev, rexne dike û sentez dike. Di vê sentezkirinê de nerînên Kant derdikevin holê. Li ser vê hizirîna Kant îdealîzma Alman bi pêş dikeve. Şêweya wî jî metafizîk e. Li gorî hizirbûna wî zelalkirina pirsgirêka zanînê xaleke girîng e û pêwîst e were ronîkirin. Ji bo hizirvanê din ev mijar çi qas girîng be, ji bo Kant jî girîngtir e. Pirsgirêka sereke, girtina rê û rîbazê zanîna rast e. Heger rê û rîbaz ne li gorî şêweyên zanistê bin, bêguman encam wê kêm û kurt be. Kant nerînên xwe wiha pêşkêş dike:

**“Hemû zanînêne me bi ezmûnkirinê dest pê dîkin. Bingeha zanîna mirovahiyê ji vir tê. Lê hinek dirûvên ku jidayîkbûnê tê û dibin bingeha zanîngirtinê jî hene. Ev dirûvên hizirî yêne ku jidayîkbûnê tê, pêşzanînê digire û distirê. Ev dirûv ji ezmûnkirinê çenabin. Ger cîhana li derdora me nebûya, zanîn jî çenêdibû. Heger hiş nebûya, tiştêne derdora me, di hişê me de nedibûn zanîn”.**

### Cureyên agahîgirtinê li cem Kant ci ne?

- a) Aprîorî (berî ezmûnkirinê)
- b) Aposteriorî (ya bi ezmûnkirinê)

Aprîorî, weke zanîna bêezmûnkirin e; zanîna xweser a ku kesî destwerdan tê de nekiriye. Ev zanîn mayînde ye.

Aposteriorî, ew zanîna ku bi ezmûn û çavdêriyê tê sererastkirin e, lê Kant xwe naspêre vê zanînê. Li ser du teşeyan radiweste “**dem û cih**” weke şiyarbûna girtina zanînê, dinirxîne.

Derbarê têgihîştina sincî de jî hestiyariya perwerdeyê diparêze. Li gorî Kant, destûrên sincî hene û bê merc û alozî li her cihî pêwîst e werin pêkanîn, ne tenê ji neçarî, her wiha weke pêwîstiyekê tê vegotin. **“Wiha tevger bibe ku, rêgeza tevgerê bibe vegotineke destûra xwezayî. Mirovatî hem ji bo xwe hem jî ji bo kesê din weke armancekê bibîne û bi wan re kar bike”.**

Kant, bi pêvajoya zanîna hiş a ezmûnkirinê re, rexnekirineke mafwerî (hiqûqî) bi pêş dixe. Hiş, mirov dixe lêpirsînê, lê mixabin ê ku lê tê pirsin hiş bi xwe ye. Di vê çarçoveyê de Kant tê nirxandin û weke hizirkarekî îdealîst tê nasîn.

### **Johanna Charlotte Unzer (Johana şarlot Onzer 1725-1782):**

li Almanyayê jiyaye. Di despêkê de, hizirêñ xwe bi rîya helbestan derxistiye pêş û piştre li ser felsefeyê rawestiyaye. Berhema wê ya navdar di vî warî de, ya bi navê **“Ji Bo Jinan Xetêñ Felsefeyê”** ye. Di vê berhema xwe de, xetêñ felsefeyê bi mînakän nîşan daye. Li gorî wê, felsefe bi hizirandinê dest pê dike û kesê zanyar pêwîst e tiştêñ ku dizane bi mirovên din re, parve bike.



## **RONÎKIRIN**

**Apriorî:** Agahiya ku di encama ezmûnekê de, nehatiye bidesx-  
istin, lê bi rêya hiş hatiye dîtin.

**Aposteriorî:** Agahiya ku di encama ezmûnê de, derketiye holê.

## **PIRSÊN NIRXANDINÊ**

1. Nerîna Voltêr di derbarê azadiyê de binirxîne.
2. Çima li cem Kant, Pirsgirêka sereke girtina rê û rîbazên zanîna rast e?

### **Lêkolîn**

Li ser filozofên Serdema Ronesans û Ronakbûyînê, lêkolîn bik.



## **BESA ÇAREM**

**FELSEFEYA SEDSALA 19 AN**

- 1. FELSEFEYA SEDSALA 19AN.**
- 2. KARL MARX (KARIL MARKIS 18181883-) Ü MARXİZM.**
- 3. HIZIRÊN FELSEFEYÎ YÊN KU DI SEDSALA 19AN DE DERKETINE.**
- 4. POZİTİVİZM Ü DETERMİNİZM.**
- 5. ROMANTİZM Ü NİHİLİZM.**

## FELSEFEYA SEDSALA 19AN

Sedsala 19an weke sedsala felsefeyê ya nûjen tê binavkirin û di encama felsefeyê de, pêşketinên zanistî derdikevin. Her wiha di vê sedsalê de, zanist û felsefe ji hev vediqetin. Zanist û teknolojî jî xwe bi temamî bi cih dikin û pêşketin di aliyê civakî, ramyarî, çandî, hunerî û hwd de, di vê qonaxê de çêdibin.

Di aliyê civakî de, civakbûyîn derdikeve pêş û zanistên civakî jî weke civaknasîyê derdikeve pêş û xweser dibe. Zanista xwezayî jî di aliyê lêgerîn û lêkolînê de asteke bilind qezenc dike.

Felsefe di sedsala 19an de destpêkê, di felsefeya Almanan de, weke **romantîzm û îdealîzmê** xwe digihîne asta herî jor. Di heman demê de **materyalîzm** (pêzewarî) jî kûrahiyeke nû qezenc dike û derdikeve pêş. Di sedsala 19an de bi giştî, li Almanyayê felsefeya **îdealîst**, li Fransayê **hizirînên sosyalîst** û li Îngiltereyê jî **teoriyên aboriyî û ramyariyê** (peşariyê - rêzaniyê) bi pêş ketin.

Li hemberî nerînê mekanîk û heyberî yên hizirvanê sedsala 18an, di dawiya vê sedsalê de, nerazîbûn dest pê dikin. Li Almanyayê **Kant**, **Feuerbach** û **Nietzsche** bê ku têkevin nav metafizîkê, dixwazin ji nirxên razberî re, li gorî xwe ji nû ve rûmetekê bidin qezenckirin. Bi Hegel re jî pêşketinên diyalektîk, dengvedana hizira diyalektîk, weke nerînekê bi pêş dikeve. Marx jî ji vê bandor dibe û sûda ku ji aboriya Îngilîzan û sosyalîstên Fransayê digire û li ser van, **diyalektîka heyberî**

bi pêş dixe û wê li ser civak û dîrokê jî bi kar tîne û **materyalîzma dîrokî** bi pêş dixe.

Li Rojavayê ev dijîtiyê ku di navbera çînê karker û burjûwa de, di sedsala 19an de dest pê kiribû, di aliyê plansaziya felsefeyê de, jihevcudabûna heyî temam kir. Êdî felsefeya îdealîst wek a **burjiwayê** û felsefeya diyalektîk jî wek a **karkeran** hat nasîn û di navbera wan de pevçûnan, dest pê kir.

Di dawiya sedsala 19an û di destpêka sedsala 20an de, nerînê felsefeyî yên ku li dijî hiş derdiketin, li derdorêñ çîna burjiwa bi pêş diketin.

### **Fîlozofên sedsala 19an:**

Fîlozofên sereke yên wê sedsalê, ku pêşengtî kirine û felsefe bi sîstem kirine, ev in:

### **Georg Wilhelm Hegel (Corc Wîlhelm Hegel 1770-1831):**

Hegel, hebûnan weke hizirê dipejirîne û şûna hizirê bi navê giyana misoger (geist) weke têgînekê bi pêş dixe. Ev hizir ne heyberî ye û tevahî hebûnan digire nav xwe.

Hizir heyîneke gerdûnî ye, her dem di nava guhartin û veguhartinê de ye. Heyîn bêyî vê nabe, yê ku di gerdûn û civakê de pêşketinan çê dike ev “giyana misoger e”. Di mirov de xwe weke hiş dide derive û li gorî vê destpêkê, di hizirê de û piştre jî di heyberê de, guhartin çê dibin.

### **Diyalektîka Hegel çawa derdikeve û bi ci şêweyê pêk tê?**

Hegel, wiha dihizire ku “**guhartinênu ku di ramanê de çêdibin, heyber jî diguherînin**”. Naveroka nerînê Hegel ên diyalektîkî ev e. Destûra guhartina hebûnan bi vî rengî tê ragihandin.

Ev diyalektîka Hegel ya ku dibêje: “**Di serî de guhartin, di hizirê de çêdibe**” di vê nerînê de şewaza mengîwerî(îdealîst) diyar e. Hizir û raman weke sedema afirandina gerdûnê, têne dîtin. Giyan an jî hizir weke sedema yekem tê pêşkêşkirin.

Hegel, li ser şêweya diyalektîkê lêkolîna xwe berfireh dike û wiha dibêje:

**“Her tişt bi nakokî ye, her tişt dijberê xwe diafirîne. Rastî, senteza hebûn û nebûnê ye”** û rêgeza xwe wiha bi pêş ve dibe: “**Tez, antîtez, sentez**”. Ev weke encama tevahî diyalektîka Hegel a heyî tê nixandin. Bi van peyvan, pêvajoyên guhartin û veguhartinê tîne ziman.

**Mînak:** Av tez e, agir antîtez e, hilim dibe sentez.

Li gorî ramanê wî hebûn bê hizirîn nayê nixandin û bi van peyvîn balkêş wiha dinirxîne:

**“Ji bo mirov bihizire pêwîstî bi ezmûnkirinê nabîne. mirov ji bo zanîna rast û dirust bigire, dibe ku bihizire û wê heyînê bixe mijara hizirîna xwe”.**

**Li gorî Hegel, hizirîn ci ye?**

Hizirîn, cewhera nasîna heyînan e. Di pêsiya her tiştî de yan jî di naveroka her tiştî de, hizireke veşartî heye.

Hegel, weke bavê diyalektîkê tê binavkirin, ji ber ku cara yekem wî ev bi sîstem girtiye dest û rêgeza diyalektîkê pêşkêş kiriye. **Marx**, diyalektîka Hegel rexne dike û bi



sentezkirina wê, nerîna materyalîzma diyalektîkî derdixe pêş. Di nerînên Marx de, heyber li pêş e. Guhartinê ku di heyber de pêk têñ di hizir û ramanêni mirovan de jî çêdibin. Bi nerîna Marx, diyalektîka Hegel mîna mirovekî ku serberjêr rawestiya ye. Ew, diyalektîka Hegel li ser piya dide rûniştandin.


### **Ludving Andreas Feuerbach (Ludvîng Fîwerba 1804-1872):**

Ew filozofekî Alman e, di sedsala 19'an de hizirvanê yekem ê materyalîzma Almanan e. Bi pirtûka xwe ya bi navê “**Cewherê Xiristiyaniyê**” navdar e. Felsefeya wî ya dijber a ku li ser bingeha rexnekirina olê bi pêş dikeve, şêweyeke mirovperewer û xwezayî ye.

Fiyorba dibêje; “**Rastiyêñ ku derbarê mirovan de bi pêş ketine, weke şêweyeke bê zanist hatine diyarkirin**”.

Di vê mijarê de, ew weke Heraklîtos diyalektikê bingeh digire û dibêje:

**Bingeh xweza ye û ji derveyî xwezayê tiştekî din tune ye. Weke her tiştî, hizir jî berhemeke xwezayê ye. Mejî, weke lebateke heyberî ye û hizir jî ji wê derdikeve. Li gorî min heyber bingeha zanist û hebûna mirov e. Ramanweriya, wî bingeha xwe ji heyberê digire.**



## Rastiya olê li cem Fîwerba ci ye?

Fîwerba, filozofekî sincî ye; li gorî wî rastiya olê sinc e (evîn, hiş û vîn) û rastiya herî bilind ya ku di mirov de ye. Mirovan, di destpêkê de xwedayêن xwe di encama berhem û cewherên aşopî de afirandine, lê ew xweda bi demê re têra sazûmankirina pergala mirovan nedikir, lewma li gorî wî, ên ku vê sazûmانيê saz bike, ew girêdanêن ku mirov li hemberî mirovên din dide nîşandan. Ev girêdan, şêweyeke herî xurt di asta evînî (sinc) de xwe dide nîşandan. Tevayî pirsgirêkên ku di navbera mirovan de hene, bi hêza evîndariyê, wê bêن çarekirin.

Wateya destpêkê ya peyva olê, girêdan e, ji ber vê sedemê jî di navbera mirovan de her girêdan olek e. Fîwerba vê girêdanê, ne li ser bingeha giyanî, lê li ser bingeha heyberî dide rûniştandin.

Bingeh xweza ye, ol jî berhemeke xwezayî ye û hebûn ji heyberê derdikeve, bi giyan re bi pêş dikeve û xwe digihîne hebûnê. Li gorî Fîwerba, xweda bedena hizirêن mirov e û ew di hundirê mirovan de ye. Her wiha daxwaza kêfxweşiyê, daxwazeke mirovahîyê ya xwezayî ye û daxwaza kêfxweşiyê bi mirov re diafire û bisincbûna wî jî, ji ber vê sedemê ye.


## **PIRSÊN NIRXANDINÊ**

1. Giyana misoger li cem Hegel, şirove bike.
2. Diyaliktîka Hegel, binirxîne.
3. Nerîna Fîwerba di sinc de, çi ye?

## WANE 2

# KARL MARX (KARIL MARKIS 1818-1883)Û MARXÎZM

Marx filozof, dîroknas, civaknas û aborînasekî Alman e û xwendevanekî materyalîzma klasîk e. Filozofekî ku di dîrokê de cara yekem felsefeye, weke kiryara çalakiyê girtiye dest, ji ber vê jî felsefeya wî, weke **Marxîzm** tê binavkirin. Marx, di sedsala 19an de li ser felsefeya materyalîzmê, sazûmana xwe ava kiriye. Felsefeya wî weke materyalîzma dîrokî û materyalîzma diyalektîkî dibe du beş. Nerîna xwe ya felsefî cara yekem, bi teoriya ramyarî û çalakî bi hev re girtiye dest û veguherandiye teoriya ramyarî.



Marx, teoriya xwe ya marxîzmê li ser sê lingan weke rexne, daye rûniştandin.

- 1- Li ser felsefeya Alman.
- 2- Li ser sosyalîzma Fransî ya Utopîk.
- 3- Li ser ramyarî-aboriya Îngilîzan.

Daye xuyakirin ku filozofên ji beriya wî tenê gelemşeyên cîhanê nirxandine, lê tu kesî hewldana guhartinê nedaye raberkirin, ji ber ku dibîne pêwîstiya cîhanê bi guherînê, heye.

Hewldanêñ zanistî yên Marx ji ber vê sedemê tenê bi felsefeyê re bi sînor namîne; dîrok, civakbûyîn, aborî û felsefeyê jî bi hev re hembêz dike. Lê Marx, bingeha hemû hizirîn û felsefeya xwe, li ser aboriyê, dide avakirin. Şaştiya herî mezin jî di wir de, dike. Ji ber vê jî ew dibe berpirsiyarê sereke yê ku kapîtalîzm aniye asta zanistê. Berhema wî ya herî bi nav û deng jî **Kapîtal** e.


Her çi qas xwesteka wî baş be jî, lê nikarîbû xwe ji xefkên xapandina deshiltdariyê, rizgar bike. **Bi dijbertiya kapîtalîzmê, hîn bêhtir xizmeta kapîtalîzmê kiriye.** Bi navê zanistê, Marx felsefe ji cihê wê rakiriye, li şûna ku felsefeya Hegel li ser lingê wê bide rûniştandin, bê ku hay ji xwe hebe serê felsefeya Hegel, qut kiriye (biriye).

Marx, felsefeyê hîn bêhtir ji bo çarekirina pirsgirêkên civakê weke helwest, girtiye dest. Di şert û mercên kapîtalîzmê de, ew dagirkerî û berhemên pir ku li ser çîna karkerên heyî, yên li ser civak û mirovan biyanîbûyîn daye avakirin, girtiye dest û xwestiye çare bike. Li gorî vê yekê, civaka kapîtalîst ya ku biyanîbûyîn afirandiyê, çewisandina kedê ye. Lê bi vê nerîna xwe, xizmeta kapîtalîzmê kiriye. Di encama şoreşa Sovyetan de û rewşa ku di roja îro de tê jiyîn, vê rastiyê pir zelal dike.

Marx, derbarê dîrok û civakê de, di bin bandora rêgezên teoriya ronakbûyînê ya **determinîst** de maye, lê weke ku dîrok bi awayekî li ser xêzeke rast û bêasteng ber bi pêş ve (peresîn) tevger dibe, nahizire û dibêje: “**Dîrok bi pêngavêñ cewherî ve (bi şoreşgerî) ber bi pêş ve tê derbaskirin**”, lê dîsa jî derbarê pêşketina dîrok û civakê de, nerînêñ determinîzmê, derbas nake. Xefika herî mezin a ku Marx ketiyê jî ew e ku dîroka civakbûyînê jî li gorî nerîna deshilatdarان, girtiye dest.

## Friedrich Nietzsche (Firîdrîk Nîtsê 1844-1900):

Di dema xwe de, yek ji filozofên ku cara yekem şêwazê modernîst û rêgezên ronakbûyînê weke pirsgirêkekê, girtiye dest. Senteza felsefe û wêjeyê, pir xweş bi hev re bi kar anije. Filozofan heta Nietzsche, cîhan û dîrok bi wate, hişmendîtî û bi dadê pejirandine. Li hember modernîti, ronakbûyîn û şaristaniya Ewropaî bi giştî, helwestek neyinî nîşan daye û rexne kiriye û dibîne ku mirov ji nirxên wî dûr dixîne û wî dixe bin bandora teknolojiyê. Bi vê yekê, Nietzsche xerabiyênu ku modernîtiya kapîtalîzmê li derdor û mirovahiyê çêkiriye, diyar dike. Ji ber vê jî dibêje: "**Bi navê modernîteyê, hemû tiştên ku we daqurtandiye, verşin**". Ji ber vê jî balê dikişîne ser ziyanênu ku kapîtalîzmê digihîne sincê civakbûyînê. Di vê mijarê de, Nietzsche li nirx û sincênu mirov xwedî derdikeve. Li gorî wî mirina xweda, tê wateya jiholêrakirina tevahiya şêweyên nirxên sincî û di heman demê de dibêje: "**Têgeha nirxê tekez tune ye**". Her wiha dibêje: "**Nêzîkatiyên mirov ên baş û nebaş nirx dide diyarkirin**".



## Çima Nietzsche Xiristiyanî û metafizîkê, rexne dike?

Ji ber ku li gorî wî metafizîk, dûrî rastiyênu me yên cîhanî ne. Di vê xalê de vedigere felsefe û sincênu Zerdeşti (di pirtûka Nietzsche ya bi navê Zerdeşti wiha axiviye) û wan watedar, dibîne. Weke din jî li gorî Nietzsche, her tişt weke tevger û demê, çêbûyîn e; ji wê bêhtir tune ye.

Di vê bingehê de rêgeza Heraklîtos a ku dibêje: “**Tiştê ku tenê nayê guharîn, guharîn bi xwe ye**”, dipejirîne.

Her çi qas teoriya wî ya mirovê herî hilbijartî weke netewper-estî hatibe destgirtin û bikaranîn jî, ew dibêje:  
**“Mirovê herî hilbijartî, armanca li ser rûyê erdê (xweza) ye”.**

Ji nimûneya mirovê herî hilbijartî re tiştê ku dixwaze bibêje, yekbûyîn e, ango yekbûyîna hest, pêhesîn, vîn û hiş e. Di vê wat-eyê de girîngiyeke mezin dide hêza vîna mirov û civakê. Li ser vê dibêje: “**Dema ku civak hêza hizirîn û çalakiya xwe wenda bike, ew bobelta herî mezin e**”. Nietzsche jî wek Feuerbach û Marx dibêje:

**“Sazûmanên metafizîkî wek biyanîbûyîna felsefeya mirovan xwe didin derve”.**

## **PIRSÊN NIRXANDINÊ**

1. Marx teoriya xwe ya marxîzmê li ser çi, ava kiriye.
2. Marx, filozofên beriya xwe çawa nirxandine? Çima?
3. Şaştiya Marx di derbarê felsefeyê de , çi bû û çima?
4. Nerîna Marx derbarê dîrokê de, bide diyarkirin.
5. Çima Nietzsche li hember modernît, ronakbûyîn û şaristaniya Ewropî, helwesteke neyinî, nîşan daye?

## HIZIRÊN FELSEFÎ YÊN KU DI SEDSALA 19AN DE DERKETINE

### 1- Mengîwerî-ramanperestî (Idealizm):

Li gorî nerîn û nêzîkatiyêن vê ramanê, hêmana herî girîng ya heyînê, raman (îdea, hizir) e. Ji vê dazanînê re mengîwerî tê gotin. Di vê wateyê de nerînê ku dibêjin: Ê ku di destpêkê de heyî, hizir e û her tişt ji aliyê hizir ve hatiye diyarkirin, nişan dide. Mengîwerî, bingeha hemû tiştên ku hene, wekî raman dibîne. Tu tiştê ku ji ramana mirovî dûr û serbixwe be jî, napejirîne û rasteqîniya wê, nabîne.

Nûnerên mengîweriyê yên sereke **Platon, Arîstoteles, Farabî, Berkeley** û **Hegel** in.

Kokên felsefeya mengîweriyê, pir kûr û bingehîn e, lê weke dîtineke felsefeyê, xwe dispêre felsefeya Yewnaniyan a dema destpêkê. Di wê demê de, ji aliyê Platon ve tê pêşxistin. Di dîroka felsefeyê de mengîwerî bûye weke şaxeke bingehîn a hizira felsefeyê. Bi wateya giştî mengîwerî, ew nerîna ku dibêje: **Pêvajoyêñ fizîkî ji aliyê hêzêñ giyanî ve, têñ diyarkirin.** Mengîwerî, nerîneke felsefi a cîhanê ye. Hemû hebûnêñ heyî bi hizir ve girê dide û bi daxistina hizir ve, dide diyarkirin. Dibêj: **Hemû rastiyêñ heyberî yên heyî encamêñ hizir in û wan wekî berhemêñ hizir, dibîne.**

Di mengîweriyê de, gelek rîbaz hene û yên sereke ev her du rîbaz in:

### Mengîweriya sûbjektîf:

Têkiliyêن di navbera kirde (kes) û bireser (cisim) de yê dizane û yê tê zanîn de. Kes(yê dizane)


navend digire. Hebûnê, bi hizirên kes ve girê dide. **Her tişt bi min re heye, ez çi bim an jî ez çawa bibînim, rastî ew e.**

### **Mengîweriya objektîf:**

Sedema hebûna her tiştî û mercên hebûnê bi spartina hizira metafizîk (paş xwezayê), dide xuyakirin. Mengîweriya heyberî (madî) jî, li cihê ku fizîk bi dawî dibe û dûrî fizîkê dibe, xwe dis-pêre rêgezeke neberbiçav, bêhtirî vê, tiştekî din tune ye. Di aliyê mengîwerî de weke rêbazeke bingehîn bikaranîna Metafizîkê ji wê tê.

### **2- Heyberperestî - Pêzewarî (Materializm):**

Heyberperestî ango pêzewarî, ji nerîna ku di bingeha her tiştî de heyber dibîne re, tê gotin. Dibêje sedema her tiştên destpêkê heyber e û hemû nerînên xwe li ser vê bingehê, bi pêş dixe. Di nerîna heyberî de, gerdûn û hemû têgehê heyînê, xwe dispêrin heybera bingehîn. Li gorî vê nerînê, di bingeha her tiştî de heyber, heye. Eger heyber tune be, tu hebûn nikarin taybetiyêñ hebûnê, bidin nîşandan. Hemû hebûnê wekî zanist, hizir ku taybetiyêñ bûyîna heyber nadin nîşandan, weke berhemên heyberî dikarin, werin râberkiran. Hebûnê bi wî awayî encax bi heyber ve dikarin hebin.



Di rastiya xwe de heyberperestî, weke pirsgirêkeke bingehîn di destpêka xwe de, heye.

Guftûgoyênu ku di navbera dualîteya heyber û hizir, giyan û laş de çêdibûn, li hemberî wan weke tezeke dijber, bi pêş ketiye. Hemû nerînên felsefeyê yên ku dibêjin: “**Hizir her tişt e**” yan jî heyber û giyan bi hev re nikare were daxistin, du hebûnên dijberî hev in û bi wî awayî, dinirxînin. Ji şêwaza ku her tiştî bi hizir ve dide destpêkirin, **mengîwerî** tê gotin. Weke tezeke dijber heyberperestî jî, xwe dispêre ew nerîna ku dibêj:

### “Çavkaniya her tiştî heyber e”.

Di vê wateyê de, heyberperestî nerîna ku dibêje bê heyber hizir nabe, her wiha bê laş jî giyan nabe. Felsefeya ku weke şêweyekî hizir derdikeve û bi pêş dikeve, di dîrokê de wekî mengîwerî û heyberperestî du rîbazên bingehîn bi hev re di nav pevçûnekê de, bi pêş ketine. Dîsa ev her du felsefe ango pêzewarî û mengîwerî xwe dispêrin felsefeya Yewnanê.

Di sedsala 19an de bi pêşketina zanistî re felsefeya heyberperestiyê girîngî qezenc kiriye û heta wê demê felsefeya sereke, mengîwerî bû.

Di sedsala 19an de Marx û Engels, ji pêşketinên ku di aliyê zanistan de çêbûne sûd wergirtine û felsefeya heyberperestî, bi pêş xistine.

Hemû pêvajoyênu zanistî yên derbarê mirov de, bi rîya wan pêhesên ku li ser bingeha heyber pêş dikeve, çê dibin. Li derveyî cîhana heyberî, tu çêbûnên hizirî, tune ne. Zanîn, di encamên têkiliyên navbera mirov û heyberan de û pevbandorkirinê, çê dibe. Weke ku Marx gotiye: “**Diyalektîka pêşketinên mercên madî, diyalektîka pêşketinên hizirê mirovan jî, dide diyarkirin**”.

## **PIRSÊN NIRXANDINÊ**

1. Hizira mengîwerî, şirove bike.
2. Rêbazên mengîwîriyê yên bingehîn çi ne? Şirove bike.
3. Heyberperestî tê çi wateyê? Binirxîne.
4. Nerîna xwe di heyberperestiyê de, nîşan bide.

### **Mijar**

Di dîrokê de mengîwerî û heyberperestî, du rîbazên bingehîn û bi hev re di nav pevcûnekê de, bi pêş ketine. Li gorî vê nivîsê mijarekê binivîse û nerîna xwe jî, diyar bike.

## POZÎTÎVÎZM Û DETERMÎNÎZM

### 3-Zanista Erêni (Pozîtîvîzm – Positivism)

**Pozîtîvîzm**, nerîna ku zanînê ji aliyê diyarde (phenomena) ve, digire dest, an jî derbarê bûyeran de encamên ku derdikevin, li ser wan encaman zanîna ku bi pêş dikeve, wek şeweyleke zanînê ku tenê rast dibîne, tê gotin. Zanîna zanistî, weke zanîneke rast, dide diyarkirin.

Hebûna şewazên zanînê yên mîna bîrkarî û vacê dipejirînin, lê dibêjin ew bê naverok in. **Taybetiyêن pozîtîvîstan** ên herî bingehîn, ew nerînê felsefeya kevneşopî derbas kirine û li dijî metafizîk û olan, sazûmaniyeke nû, bi pêş xistine.

Pêşengtiya vê hizirê, Auguste Comte (**Agost Komt**) kiriye. Li gorî Comte, dîroka mirovahiyê di encama sê qonaxên pêşketina hişmendiyê de, çê bûye û her qonaxek ji ya pêşıya xwe pêşketîtir, bi pêş dikeve. Komt, vê wek **zagona sêrewşan**,` bi nav dike. Qonaxên zagona sêrewşan wiha ne:

**Qonaxa yekem:** Qonaxa teolojîk e; ew qonaxa olî ya ku şiroveyên di destpêka mirovahiyê de, hatine kirin, hemû diyardeyan bi hêzeke derveyî xwezayê ve, didin girêdan.

### **Qonaxa duyem:**

Qonaxa metafizîk e; di vê qonaxê de metafizîk li ser diyardeyên xwerû dixebite û xwe dispêre hinek têgehêne wekî: **giyan**, **bêmirin** û hwd. Her wiha Comte felsefeyê jî di nav vê beşê de, dinirxîne.

### **Qonaxa sêyem:**

Di vê qonaxê de, hizira mirovî gihişt asteke jorîn û têgihişt ku zanîna misoger û bê guman tune ye, tenê hewil daye ku ku diyardeyan û têkiliyên di navbera wan de bi rêya çavdêriyê, nas bike û bêyî ku girîngiyê bide sedem û çawaniya tiştan, evan têkiliyan mîna zagonan digire dest.

Komt, vê pêvajoyê mîna mirovê ku ji zarokatiyê derbasî qonaxa gihiştinê dibe, dibîne. Li gorî Komt, pêwîst e zanist xwe bispêre têgehan. Comte dibêje: “**Metafizîk, tiştê ku neberbiçav e, ji ber ku di serê mirovan de hatiye afirandin. Ji ber vê sedemê jî li derveyî qadêن me yên zanînê ne. Heyber jî di bingeha xwe deê, nayê zanîn**”.

## **4- Determînîzm (Tekezperestî – Determinism) :**

Ev nerîna zanistî û felsefeyî dibêje, pergala gerdûnê di vîna mirovê serbixwe de ava dibe, rastiya heyberî jî li ser bingeha sedemî, dide xuyakirin. Li gorî vê nerînê, **destûrên xwezayê bi xwe hene**. Ew destûr heyberî ne û nayêñ guhartin. Ev lihevkirin û pergala ku di xwezayê de heye encamên wan **destûrên heyberî ne**, ji ber vê sedemên **wekhev** encamên **wekhev**, diafirîne.

Wateya wê ew e ku her bûyer an jî têgeh sedemek wan heye. Tu tiştên ku di xweza û civakê de bi pêş dikeve, bê sedem tune ne. Sedemên wekhev, bi cih û demê ve girêdayî ne, encamên wekhev ji nû ve, diafirîne. Di navbera sedem û encamê de girêdanake mezin, heye. Tiştê ku li cihekî sedem e, li cihekî

din û di demeke din de dibe ku encam be, pir caran jî di rewşeke berovajî vê de, rû bi rû, dimînin. Rewşen di xwezayê de bi wan destûrên heyberî ve girêdayî pirî caran ku têن dubarekirin, ji aliyên mirovên destpêkê ve jî hatine dîtin û têgihiştin. Bi çavdêriya bûy-erên xwezayî, bi hêsanî gihîştine wan encaman.

**Mînak:** Di encama şopandina mirov ji guhrtina rewşa avhe-wayê de, tê naskirin ku em ê her dem, zivistanêن pir dijwar û bi baran, yan havînêن germ û zuha, pêşwazî bikin.

Mirovên dema destpêkê jî, têkiliyên ku di xwezayê de çêdibûn dispartin sedem û encamê. Lê bi nêzîkatiyeke narvînperestî (fatalîzm) ev rewş girtine dest û heyberîbûna destûrên ku di xwezayê de, hene û ji vîna mirovan serbixwe ne, êdî pê hesiyane ku ew destûr ji xweda, çê dixin. Di encama wan pêhesînan de, vîn û hêza mirovan dikare wan sedem û encaman, biguherîne. Êdî bi vê pêhesînê re tev geriyane. Di navbera narvînperestî û pêwistdîtînê de, pir cudahî hene.

**Mînak:** Mirovê ku nexweşıya xwe bispêre narvînperestiyê, wê her tiştî weke xwe bihêle û ji bo nexweşıya xwe tev nagere, lê ger li gorî pêwîstiyê nêz bibe, wê destwerdana nexweşıya xwe bike û ji bo ku encam an jî sedemê biguherîne wê biçe cem bijîsk. Mirov, destûrên xwezayî nikare biguherîne, tune bike û ji nû ve ava bike, lê dikare fêrî wan bibe û li hemberî wan bergiriyê, bike.

## **PIRSÊN NIRXANDINÊ**

1. Taybetiyêن pozîtîvîstan ên herî bingehîn, ci ne?
2. Li gorî Komt, qonaxêن ku mirovahî têre derbas bûne, şirove bike.
3. Bandora determinîzmê li ser civakê, bide diyarkirin.

### **Mijar**

Di **Determinîzmê** de, her bûyer an jî têgeh sedemek wan heye, mijarekê li ser Determinîzmê binivîse û nerîna xwe jî, diyar bike.

## WANE 5

# ROMANTÎZM Û NÎHÎLÎZM

### 5-Romantîzm (Romantisme):

Di dawiya sedsala 18an de dest pê kiriye. Rêbazeke hunerî ye, cih dide hest, coş û nîşaneyên zêde. Romantîzm, di destpêka sedsala 19an de, li hember Ronakbûyînê weke dijberiyekê bi pêş ketiye û di her wenatekî de jî, xwe cuda cuda daye nîşandan.

**Mînak:** Di Îngiltereyê de bi giştî weke diyarneyekê (hemû tiştên ku bi rêya pêhesan têngihiştin) estetîk, weke tevgereke hunerî, derketiye holê. Li Fransayê jî, bi bandora Rousseau, dijberî siberoja civakî weke hînkirinekê bi pêş ketiye. Piştre li Fransayê bandora vê tevgerê, di aliyê bedewnasiyê de, (estetîk) bi pêş dikeve. Li gorî vê; di hunerê de romantîzm, di xwezayê de li ser bingeha pêdiviyan diyar dibe. Bi şeweyleke rasterast têngihiştina diyardeyên xwezayî bingeh digire û xwe mîna rîbazekê an jî helwestekê, dide diyarkirin.

**Romantîzm**, di hunerê de li dijî klasîzmê derdikeve. Ji ber vê sedemê, hemû teşe, rîzik û lihevkirinan wekî çêkerên sexte dibîne. Herwiha li pêşıya vegotin û wateya rastiya xwezayê têngihiştinê jî, weke astengiyekê dibîne. Tekez dike ku xurtbûna hest, dildarî û aşopê, jêdera rasteqîn ya ezmûnên estetîkê ye. Herwiha li ser hes-tênen mirovî, weke tirs,êş û azaran rawestiyaye.

### 6- Nihilism (Nîhîlîzm- Tunebûnîti):

**Nîhîlîzm:** Tevgerek wêjeyî û hizirî ye û ji kevn de heye, lê di serdema nû de bêtir bi pêş ketiye.

Ew nerîna ku hemû perensîbên olî û sincî red dike û napejirîne. Bawer dike ku jiyan bê wate ye. Ji encama sedemên derûnî, bêtir ji yên hişî derdikeve.

Bi guman û bi awayekî reşbînî, nerîna mirov di hebûnê de tune dike û hebûnê bê armanc dibîne.

Ev helwesta felsefeyî, cîhanê tevayî û mirov jî di nav de, bê nirx û bê wate dibîne. Bi gotineke din, nîhîlîzm tevgera ku tu aliyan bingeh nagire û her tim xweser e.

Laland jî di ferhenga xwe ya felsefeyî de, Nîhîlîzmê wiha pênase dike: **“Tiştek tekez û bêşînor tune ye û rastiya hebûna sinc û nirxan dide mandele û dipirse çi armanca wane? Tu bersivê jî nabîne.**

Ev nerîn, cara yekem bi vê şêweyê di sedsala 19an de ji aliye Nietzsche ve derketiye holê. Nerîna wî ya di nîhîlîzmê de, di van gotinan de diyar dibe **“mirina xweda”** û **“wendakirina nirxên bilind”**. Ev nerîn, bûye bûyera herî girîng a demêن dawî û li ser Ewropayê jî weke siyekê dest pê kiriye. Li gorî Nietzsche, nîhîlîzm, wendakirina nirx û hiziran ji encameke neçariyê ye. Xwezayêna xapînok derdixîne holê û me ber bi valahiyeke ku me berê hîç jiyan nekiriye ve diherikîne. Ev yek li gorî Nietzsche, ji bo dîrokê pir girîng e; wê mirov, yan ber bi lawirtiyê ve biçe, yan jî wê nîhîlîzmê têk bibe.

Hizirêni Nietzsche, ji siberojê re û ronahîdanînê re, risteke mezin lîstiye. Ew bi xwe ne nîhîlîst e, lê balê dikşîne ser zirara modernîteya kapîtalîst. Piştî Nietzsche, nerînê derbarê nîhîlîzmê de, yekser wek nerîneke jiyanî tê pêşxistin û berovajîkirin û nîhîlîzm wek ekolekê bi pêş dikeve.

Fîlozofêni heta beriya dema Nietzsche, cîhan û dîrok watedar, bihişmendî û bidad pejirandine. Hebûn bi wate û armanc bûn û Pergaleke cîhanê ku ji aliye xweda ve, hatîbû danîn hebû. Lê bi Nietzsche re, pêhesîna hebûn û mirov hilweşiya. Felsefeya wî, cîhanê weke tevlihevî û gelemşeyekê - kaosê (chaos) dibîne.

Nietzsche, ne nîhîlîzmî ye, lê nimûneya wî xwedayê Zerdeş e û encax ew dikare nîhîlîzmê bide derbaskirin

## Ronîkirin

### Fatalism (narvînperstî –fatalîzm):

Narvînperestî: Rêbazeke felsefeyî ye, hemû bûyer û rûdanêñ cîhanê nivîsandî û tekez dibîne. Li gorî vê rîbazê, mirov nikare şerê qederê bike û divê vê yekê bipejirîne.

### Utopia:

Tê wateya civaka aşopî û nemoneyî, ku têde hemû nirxên sincî, başî û kevneşopî bi cih dabin. Dûrî kemasî û nankokiyêñ mirovan e û kêfxweşî û şadî têde peyda dibe.

## **PIRSÊN NIRXANDINÊ**

1. Romantîkê pênase bike û di kîjan sedsalê de derketiye?
2. Romantîk li Ingiltere û Fransayê bi ci şeweyî derketiye?
3. Nîhîlîzmê pênase bike.
4. Nerînê Nietzsche yên li ser nîhîlîzmê şirove bike.

### **Lêkolîn**

Bandora nîhîlîzmê li ser civakan, lêkolîn bike.

# **BEŞA PÊNCEM**

## **FELSEFEYA SEDSALA 20AN**

- 1. FELSEFEYA SEDSALA 20AN.**
- 2. HIZIRÊN FELSEFEYÎ YÊN KU DI  
SEDSALA 20AN DE DERKETINE.**
- 3. FELSEFEYA MODERNÎTEYA  
DEMOKRATÎK.**
- 4. FELSEFEYA KUWANTOM (QUANTUM).**

## FELSEFEYA SEDSALA 20AN

Di şaristaniya demokratîk de, felsefe û zanist weke rîbazêne ravekirina rastiyê, risteke girîng bi cih tînin. Di pêkhatina vê de lêger û têkoşîna rastiyê rista bingehîn dilîze. Lê bi pêşketina kapîtalîzmê (Sermiyandarî) re zanist, felsefe û huner weke ku di serdemâ mîtolojîk û olî de bûyî, dixin bin xizmeta desthilatdariyê û bi sazûmana dewletê ve têr girêdan. Di encamê de, xebatêne felsefeyê û zanistê di çêkera civakê de, dibin sedema parçebûn û xerabûnê. Eger zanist û felsefe li dijî windabûna wateyê li ber xwe bidin, ji bo ravekirina wateyê bi kêr têr û dibin xwedî hêz.

Lê di sedsala 20an de û bi pêşketina sazûmana Kapîtalîzmê re, windabûna wateyê gihîştiye asta xwe ya herî bilind.

Her ku zaniest û felsefe ketine bin xizmeta hêzên dewletê, bûne hêzên dogmatîk û têkiliyêne xwe yên bi rastiyê re, ji dest dane û bûne amûr û pergalêne biyanîbûnê, bangeşeyêne derewîn û xapandina civakê. Zanist û felsefeya ku di destpêka xwe de li dijî hişmendî û zagonêne mîtolojî û dogmatîzma olî bûn, weke rîbazeke ravekirina rastiyê, bi pêş ketine. Di vê sedsalê de, êdî ne ji bo berjewendiyêne civakê, ji bo berjewendiyêne hêzên diravê (finansê) û hêzên dagirker, rista xwe ya destpêkê û bingehîn ji bîr kirine. Weke mîtolojiya kevn, veguherîne û bûne dogmatîk û ketine pêvajoyeke windakirina têkilî û girêdanêne xwe yên bi rastiyê re.

Qada zanist û felsefeyê, ya ku bûye cangoriya pêşketina kapîtalîzmê, di vê sedsalê de bûye sedema windahiyêne metirsîdar ên nirxêne mirovahî û civakbûyînê. Ola vê serdemê jî pozitîvîzm e. Felsefe û zanist, ji naveroka xwe ya civakî hatine dûrxistin û çarçoveya wan hatiye tengkirin. Her wiha weke teoriyêne ziman û felsefeya wê hatine destgirtin.

Tevî van hemûyan jî di asteke diyar de, hinek pêşketin jî hatine jiyan kirin. Di qorziyên veşartî yên bîra civakî de, bi taybet di qada xebatê zanistî de, bi pêşketina fizika atomê, her ku çûye, felsefeya kûantûmê, herî dawî jî weke senteza hemû nirxên mirovahî, zanist û ekolên felsefeyê wek felsefeya Modernîteya demokratîk bi pêş ketine.

### Fîlozofên vê serdemê:

#### **Ludwing wittgenstein (Ludwîng Fîtginiştayin 1889 –1951) :**

Ramanwerê navdar ê felsefeya zimên e. Hemû pirsgirêkên felsefeyê, wekî pirsgirêkên ziman dîtiye. Armanca wî ew bû ku zimanekî vacî ava bike û bi vî zimanî hemû tiştî bi awayekî misoger (tekez) vebêje. Du pirtûk nivîsandine. Di pirtûka xwe ya yekemîn de, aniye ziman ku wî hemû pirsgirêkên felsefeyê çare kirine, piştre jî têbînîyên xwe yên felsefeyê weşandine.

Li gorî baweriya **Fîtginiştayin**, »ziman wêneya cîhanê ye. Çawa ku heyîn ji atoman pêk tê, ziman jî wisa ji hevokan pêk tê û hemû pêkhatinên li cîhanê, dikarin bi ziman yeko yeko werin xêzkinrin. Piştre vê ramana xwe sererast dike û dibêje: **ziman ne wekî wêneyekî, lê wekî alavekê ye.**

Bi rêya fêrkirina rast a bikaranîna ziman û derxistina çewtiyên wî, wê pirsgirêk çareser bibin. Herwiha divê mirov di çarçoveya ziman ya xwezayî de, lêkolînan bike.


Bi qasî ku gotin û hevok watedarbin, ewqasî jî girîngiya wan heye. Karê felsefeyê ew e ku ramanan, bi awayekî vacî ronî bike. Felsefe ne dazanîneke, lê çalakiyeke û divê dev ji pêşkêşkirina teoriyên hişk jî berde, ji ber ku ev yek ji bilî tevilhevîkirina mejiyên mirovan, bi kêrî tu tiştî nayê. Her wiha babetên metafizîk jî, nikarin werin zanîn û divê felsefe, dev ji van jî berde.

Di dawiyê de gotiye : “**Tiştên ku em nikaribin li ser wan bipeyivin, divê em wan ji bêdengîyê re bihêlin**”.

### **Bertrand Russell (Biritrand Rasil 1872 – 1970):**

Biritrand Rasil, civaknas, bîrkarînas û vacnasekî Ingilîz e. Ji hêla vacî ve, xwe nêzîkî pirsên felsefî kiriye. Dilêriya(wêrekiya) Pozîtîvîzma Vacî parastiye û li hember yên ku ezmûnkirin parastine derketiye û gotiye divê vac jî hebe.

Li gorî bîr û bawerîya wî “**felsefe ne zanist e, rûbirûkirin e**”. Li ser felsefeyê jî wiha dibêje: “**Felsefeyê zêdelezandiye û çavên xwe berdaye cihênilind û xwe bi quretiyê ve girê daye, lewma bi ser neketiye. Hedar û dilnizmî weke ku di zanistên din de jî serkeftin anîye, wê di vir de jî serkeftinê bîne**”.



Der heqê zanayiyê de, Rasail agnostîk (nezanîparêzî) e. Li gorî bawerîya wî rasteqînî, ew zanayiya tiştên ku têne zanîn e. Zanayiya mirovan yên der heqê tiştan de jî, zanayiyeke dibetî (gengaz) ye. Zanayiya tiştên ku mirov nikaribe çavdêriya wan bike, ew ne zanayî ye. Ew bawerî ye û dibe ku em baweriya xwe, pê bînin.

## Pozîtîvîzma Vacî ci ye?

Di vê tevgerê de (an jî dilêryê de) ramana bingehîn, ziman e û wiha tê bawerkirin ku mijara yekem ya felsefeyê, ziman e. Di pozîtîvîzma Vacî de tê parastin ku, felsefe bi xwe tu zanîn neafirandiye û filozofên ku di dîroka felsefeyê de xwedî berhemên felsefi ne, bi pirsgirêkên ku ji aliyê ziman ve hatine afirandin re mijûl bûne.

Her wiha bi dahûrandina avahiya zimanî re, wê felsefe bigîhêje mijar û karê xwe yê resen. Karê felsefeyê yê resen jî ew e ku wan pirsgirêkên qelp ên ku ji bikaranîna ziman a ku ji deryê qada rojane dertên, çare bike.

### Jean-Paul Sartre (Jan Pol Sarter 1905-1980):

Sarter , ramanwerekî fransî ye kovar, roman, kurteçîrok, ezmûnkirin û şano nivîsandine. Li gorî bîr û baweriya wî, baweriya olî, li pêşıya azadiyê, dibe asteng. Sarter, hebûnpereste (egzîstansiyalist), bi nerîna wî dûrivê mirov ji derûna wî girîngtire û ew dikare derûna xwe destnîşan bike.

Mirov neçare, ku azad be. Ji bo vê yekê jî, divê têbikoşe. Lê mirov nikare bibêje ku Sarter yê yekemîn e ku ev raman aniye ziman, Ango, mirov nikare bibêje ku wî felsefeyeke xweser afirandiye, lê di aliyê wêjeyî de, pir navdar bû.



## Felsefeya Sarter ya Sincî:

Li gorî baweriya Sarter, tiştekî ku em jêre bibêjin ‘**xwezaya mirov**’ tune ye û mirov bi dest û keda xwe, xwe ava û destnîşan dike. Kêzik û çûk, çawa bûne heyîn, wisa jî dijîn û nikarin vê yekê biguherînin. Lê mirov li xwezayê hatine avêtin û derûna xwe, bi destên xwe (bi ked, bi zanyarî û hwd.) pêş dixin. Ji ber vê yekê jî divê tevgerêwan neyê astengkirin û mirov azad tev bigerin.

Di sedsala 20an de, gelek felsefevanê din jî derketin. Weke: Edith Stein, Hannah Arendt, Simone de Beauvoir, Albert Camus, Michel Foucault...hwd

### Ronîkirin

**Rasil dibêje:** Tirsa ji evînê, tirsa ji jiyanê ye û yên ku ji jiyanê ditirsin, ji niha ve, ew sê caran mirî ne.

Bidestnexistina hindek xwestekên me, parçeyek ji bextewariya me ye.

Dema ku di der heqê babetekê de hemû pispor li hev bikin, dibe ku ev lihevkirina wan çewtêgihiştina wan be.

**Sarter jî wiha gotiye:** Di nav xerabiyen de, xerabiya herî mezin, neguherandina kêmasiyên me ye.

## **PIRSÊN NIRXANDINÊ**

1. Li ser naveroka felsefeya sedsala 20an bixebite.
2. Fîtxiniştayin Hemû pirsgirêkên felsefeyê, wekî pirgirêkên ziman dîtiye. Binirxîne.
3. Nerîna Rasil di derbarê felsefeyê de, bid diyarkirin.
4. Felsefeya pozitîvîzma vacî, şirove bike.
5. Felsefeya Sarter ya di derbarê sinc de, şirove bike.

## HIZIRÊN FELSEFEYÎ YÊN KU DI SEDSALA 20 AN DE DERKETINE

### 1-Berjewendparêzî – Sûdperestî ( Pragmatism)

Rêgehek felsefeyî, siyasî ye, li Amerîkayê bi pêş ketiye. Damerînerên wê John Dewey û William James in Têgihîştineke kapîtalîstî ya berjewendiperestî ye, tê wateya sûdgerî û çalakiya berjewendîparêziyê û wan ji zanîn û ramanê bilindtir dibîne. **Heger tiştek bi sûd be başe; heger ne bi sûd nebaše**, pîvana pragmatizmê ev rîgeze. Ev rîgeh tu girîngiyê nade nirx û sinc û wan paşguh dike, di navenda vê têgiştinê de berjewendiya kes di ser a civak û hawîrdorê re ye, bi vî awayî bikaranîna piratîkî û ezmûnkirinê, rîya gihadina zanînê ye, li dijî hizirên tewrî disekine û dibîne ku gava hizir piratîkî bikar neyê û nekeve bin xizmeta jiyana mirov ya piratîkî , ew bê wate ye, herwiha hizirê kevin û neguhêr napejirîne û dibêje her demek hizirên wê yên cuda hene.

J. Dewey. Ji bo zanistê jî, bi vî rengî dihizire: **Heger lêger û lêkoflînên zanistî sûdê bidin, wê werin pejirandin, lê gava sûdê nedin wê gavê tu pêwîstî bi wan nîn e**. Ev nerîn weke têgihîştina sermayedariya cîhanî tê nirxandin.

#### **Pragmatisma siyasî:**

Pragmatism, ew rîgeheke siyasî ye, ji kevn de û heta roja me ya îro jî berdewam dike. Bi demê re û hêdî hêdî ji wateya xwe ya felsefeyî derket û di aliyê siyasî û keysebaziyê de hat bikaranîn.

Li gorî pragmatisma siyasî, divê di karê siyasî de, sinc ne serdest be, berovajî vê yekê divê di bin xizmeta berjewendiya dewletan de be, ji ber vê yekê jî em dikarin bibêjin ku pragmatism dibe jêdera siyaseta heyî ku di navbera hemû dewletan de pêk tê. Her dewlet dixwaze armanc û berjewndiyên xwe bi hemû awayan pêk bîne. Dewleta Tirkîyê jî nemoneya vê yekê ye, tevî faşîzma wê û xerabiyên ku dike, piraniya dewletan, ji bo ku berjewendiyên xwe biparêzin, piştgiriya wê dikin

Bi despêkirina şerê cîhanê yê yekem re, felsefeya pragmatism, xetereyeke mezin di aliyê mêtîngerî, olîgarşî û faşîzmê de bi xwe re anî, herwiha ev felsefe bû sedema talankirina xweza û qirkirina nifşê mirovahiyê.

Pragmatîzma ku weke nexweşîyeke emperiyalîzmê ya ku di sedsala 20>an de belav bûye, ji ekoleke felsefeyê bêhtir wek çandekê tê jiyankirin, parastin û birêvebirin. Tu nirxên giştî û gerdûnî nas nake, diçewisîne û bin pê dike. Ew li dijî nirxê hevkar û gerdûnî ye, ji ber vê divê li dijî pragmatîzmê nirxên hevpar û hevkarî yênu ku dibin karekî mirovparêziyê, bêne pêşxistin.

## 2- Diyardenasî (phénoménologie):

Ev têgîn, ji aliyê Edmond Hosril (Edmund Husserl) ve hatîye avakirin. Li gorî hîzrîna wî zanîn, têkiliya di navbera bireser û kirde de ye. Tê ragihandin ku bireser tune be, kirde jî çê nabe. Bireser; heyînênu ku cihekî dadigirin, girseyeke wan heye. Lê kirde; girseyeke wî tune ye. Di vê mijarê de xala girîng ew e ku **bireser jî bê kirde nayê nirxandin. Ji ber ku bê zanîn têgihîştin çê nabin.** Başdîtin û başnasîn, têgihîştineke sererast tîne.

Ji ber vê kêmasiyê, mirov di jiyana rojane de dikeve pêşderaziyê. Pêşderazî (pêşbawerî); xapandineke têgihîştinî ye. Ji zanîneke kêm û nenasîneke netemam tê. Ji vê pêvajoyê re, **pêvajoya zanînê** tê gotin. Di fenomenolojiyê de tê gotin ku, zanîn ji mirovan heta digihê mirovan tê guhartin. Zanîneke misoger tune ye. Lê di aliyê nirxandin û şirovekirinê de, weke felsefeyeke biçûk tê dîtin. Ji vê re jî **Bireserbûyîn (objektîvîzm)** tê gotin.

Bi kurtî û cewherî, mirov dikare vê tevgera felsefeyî (ekol) wiha bide nasandin: Em gerdûn û xwezayê tenê bi pêhesînên xwe nikarin binasin. Di heman demê de, mirov zindiyekî hestiyar e, bi hest û pêhesînên xwe, xwe tev li pêvejoya zanînstendinê dike. Mirov çi qas heyberî be, ew qas jî giyanî ye.

### **3-Hebûnparêzî (Existentialism):**

Hebûnparêzî, bi giranî hizirîneke sedsala 20an e. Li ser watedayina jiyanê radiweste. Ew têgihîştineke bi rewşa civakê ve girêdayî ye. Rewşa aborî, civakî û ya giyanî dinirxîne.

Ev hizirîn, li şûna ku li cewherê hebûnan bigere û bizanibe, li cewherê mirov digere û xwenasîna wî bi tixûb dike. Herwiha vê nasîna wî dike navenda tevahiya ragihandinên xwe. **Jean Paul Sartre**, nûnerê vê têgihîştinê ye û dibêje: «**Her tiştek hebûn û cewherekî wî heye**». Li gorî wî jî cewher ya bingeh e û yê ku hebûnan dike hebûn ew cewher bi xwe ye. Di tiştan û tevahî heyînan de, cewher berî hebûnê tê. Lê di mirov de, hebûn destpêkê çê dibe, piştre jî cewher tê.

## Hin hizir û perensîbêن girîng yên felsefeya hebûnparêziyê:

1. Bi baldarî li ser hestêن mirov weke bêhêvîtî, tirs, xem.. hwd, dihizire.
2. Azadî, Hebûna mirov bi xwe ye û bêyî wê mirovbûn tune ye.
3. Azadiya bêsînor, ji bo avakirina kesayeteke têgihîştî ye.
4. Mirov bi hiş, hest, giyan û laşê xwe, zindiyekî tekûzbûyî ye.
5. Derketina li hember kevneşopiyêن ku azadiya mirov kelepçe dike.
6. Berovajî nerînêن felsefeyî yên ku berê li ser zanîn û vacê radiwestiyan e, hebûnparêz li ser pirsgirêkên hebûna mirovî weke mirin, jiyan, berpirsyarî û azadiyê radiweste.

## 4- Felsefeya Analîfîk (Analytical Philosophy ):

Ev têgihîn weke zanista erêni ya nû, yan jî weke pozîtîvîzma vacgerî jî tê zanîn. Mijara sereke ya vê tîgihînê, felsefeya ziman e. Li gorî vê nêzîkbûnê, pêwîst e felsefe li ser mijarêن weke hebûn, nirx, xweda, yên ku ezmûnkirina wan negengaz e, hizir û teorî pêş nexe. Erka felsefeyê; dahûrandina têgihînê ziman e.

Wittgenstein, di vê derbarê de wiha dihizire; «ziman tiştekî bi vî awayî ye, ku her tiştê li derdora mirov pêk tîne û hemû kar û xebata me di nav xwe de dihewîne, ji



ber vê yekê, hemû xebat û pirsên felsefeyê di bingeha xwe de, pirsgirêkên ziman in».

Li gorî felsefeya **analîtîk** ya ku bi taybet piştî şerê cîhanê yê yekem li Dewletên Yekbûyî yên Amerîka û welatên Iskandînavê belav bûye, mijara bingehîn a felsefeyê dahûrandina ziman û têgînên di ziman de ye. Bi vê rîbazê, çarekirina pirsên felsefeya kevn ên ku mejiyê mirov tevlihev dike, gengaz e.

Felsefeya dahûrandinî, di navbera salên 1945 û 1960î de bi pêş ketiye. Pozîtvîzma vacgerî, ji aliyê **Bertrand Rasil û G.E More** ve bi hîzrên rasteqîn, ji salên 1900î û pê ve hatine bipêşxistin. Armanca felsefeya analîtîk, li ser bingeha hizirêni Rasil û vacgerên pozîtvîst, bikaranîna vacê û avakirina zimanekî bêkêmasî ava bûye. Lê ji vê armanca xwe dûr ketiye û berê xwe daye zimanê ku rojane tê bikaranîn. Li gorî vê, ziman çavkaniya vacê ye, ji xwe ew temam û bêkêmasî ye. Karê felsefeyê, dahûrandin û çarekirina pirsgirêkên xapînok ên ji ber bikaranîna zimanê ku ji derveyî karêni rojane ye. Li gorî gotina felsefeya analîtîk, her peyv û her hevok li gorî cihê ku tê de tê bikaranîn xwedî wateyeke cuda ye. Gotina “**pênc sêvên sor**” dema ku di refeke dibistanê de, di waneya bîrkariyê de bê bikaranîn, çar karanîn têni bîra xwendevanan, lê eger ev gotin di baza-rekê de, bê bikaranîn, rasterast karê kirîn û firotinê tê bîra mirovan.

## **PIRSÊN NIRXANDINÊ**

1. Çi pîvana pragmatizmê ye? Nerîna xwe jî diyar bike.
2. Pragmatisma siyasî şirove bike.
3. Naveroka felsefeya diyardenasiyê çi ye?
4. perensîbêñ felsefeya hebûnparêziyê çi ne?
5. Armanca felsefeya analîtik çi ye?

### **Mijar**

Pragmatism ji kevn de û heta roja me ya îro jî berdewam dike, bi demê re û hêdî hêdî ji wateya xwe ya felsefeyî derket û di aliyê siyasî û keysebaziyê de hat bikaranîn.

Bi mijarekê van gotinan binirxîne û bi mînakan jî dewle-mend bike û nerîna xwe bîn ziman.

## Wane 3

# FELSEFEYA MODERNÎTEYA DEMOKRATİK

Ji bo avakirina jiyaneye hevbeş ji hemû gel, çand û baweriyen re, felsefeya modernîteya demoqrat, li şûna netweprestiyê cih digire û ji pirsgirêkên civakî re dibe derman û çareyan ji wan re datîne. Li ser bingeha nirxên sincî û komînal, civakê ji nû ava dike û li hember desthilatdariya ku li ser gelan tê kirin derdikeve û binpê dike. Di felsefeya modernîteya demokratik de tevgera kuwantomîk û şêweyê nerîna wê jî, bi kar tê.

### Cewhera felsefeya Modernîteya Demokratik:

Tê wateya gihiştina rastiya gerdûn, xweza û civakê ku bi pêrensîpeke hevsengiya herî guncaw tev digere, ango xwegihandina rastiya jiyanê ye û xwe li ser bingehê zanistî ava dike.

Li gorî çavdêriya zanyaran ji tevgera Kuwarkê (**parçeyên herî biçûk di heyber de û ji atomê jî biçûktirin**) ya ku di valahiya atomê de, tev digere, diyar kirin ku tevgera wê ne girêdayî zagineke neguhêre, lê her dem bi guhertine û ne pêwîste her dem bi pêş de biçe, dibe vegere paş yan çep yan jî rast û ew xwe bi xwe, xwe bi rêxisitn dike. Felsefeya Modernîteya demoqrat jî dibîne ku gerdûn ji hêla aqilekî taybet ve tê birêvebirin û heta roja îro jî zanist negihaye taybetî û zagonê vî aqilî.

Navê aqilê gerdînê lêkiriye û dibîne ku gerdûn li gorî vî aqilî tev digere.

Li ser vê bingehê jî felsefeya Modernîteya demoqrat, pêşketina civakê li gorî tevgera Kuwarkê dibîne ku civak xwe bi xwe, xwe bi rêve dibe

Di vê felsefeyê de, nêzîkatiya gerdûneke zindî heye. Ev gerdûn di asteke herî bilind de, xwedî hêzeke şiyâni (potansiyel) a pêhesînê ye. Di gerdûnê de dualîteyên wek, zindî û nezindî, hebûn û valahî û... hwd, hene. Eger aliyekî van dualîteyan nebe ya din jî nabe, nikare hebûna xwe bide domandin.

Felsefeya Modernîteya demoqrat, girîngiyê dide sinc û metafizîkê û mirov di asta herî bilind de dibîne û têkiliyên ku wî paşve dihêlin napejirîne, ji ber vê yekê şoreşa kesayetî, pîvan û taybetiyêن kesayetî jî bi pêş dixe. Lewra dema mirov nirxên arîşen girîng bibîne divê li gorî vê nêzîkî mirov û civakê jî bibe. Di vê derbarê de, Ocelan wiha dibêje: «**Mirov gerdûneke biçûke**». Herwiha Jinê weke heyîneke fizîkî nagire dest û dibîne ku ne kemasî ye ku mirov jin be, lê belê jin dibe rûmeteke mezin, cihê rêzgirtin û serbilindayê û jêdera dan û hezkirinê ye. Dîrokê jî bi rêya çandê , bi roja me ya îro ve girêdide, ji ber ku her nifşekî mirov li ser nifşê beriya xwe mezin dibe, lewma dîrok ji hev nayê birîn. Di vê derbarê de Ocelan dîrokê wiha dinirxîne: «**Em di dîrokê de, dîrok jî di roja me de veşartî ye**».

Têgînên weke desteserkirin, zor û deshilatdarî jî, di vê felsefeyê de tu car nayêñ pejirandin, lê dijberî vê yekê afirandin, xebitîn, parvekirina nirxan...hwd, hey.

## Civak jî di vê felsefeyê wiha tê nirxandin:

1. Xwezaya civakbûyînê nerm e.
2. Li gorî têgihîna diyalektîkê, felsefeya modernîteya demokratîk dualîteyên ku hene, sentezan pêk tînin û hev du tune nakin.
3. Li ser azadî û hevsengiya zayandan, xwe dide rûniştandin û têkoşînê bingeh digire.
4. Civakbûyînê weke çêkerên jêr û jor ji hev qut nake. Aboriyê ne wekî bingeha her tiştî dinirxîne û bi qasî aboriyê girîngiyê dide hizir û nirxên arîşen jî.
5. Sîstemên civakbûyînê ne li gorî pêşdîtinên determînist in, lê li gorî taybetiyên navbera tevliheviyê (chaos)pêş dikevin.
6. Pêwîst e civak li ser bingehêن civaka polîtîk û sincî bêñ avakirin.

## xweza di felsefeya modernîteya demokratîk de:

Felsefeya modernîteya demokratîk, xwezayê wek hebûneke zindî dide nasîn û wê weke dayîka mirovahiyê pîroz dibîne û nerîna ku dibêje: **Xweza û gerdûn ne zindîne**. napejirîne. Zindîbûn û şenatiyan di asta pîrozbûnê de digire dest û rêzdariyê raberî wan dike. Li hemberî xwezayê, gelekî hişyar e û tu carî, ziyandayina lawir, giha û derdorê rast nabîne.

## PIRSÊN NIRXANDINÊ

1. Cewhera felsefeya modernîteya demokratîk li gorî têgihiştina xwe şirove bike.
2. Nerîna felsefeya modernîteya demokratîk di gerdûnê de çi ye?
3. Civak li gorî vê felsefeyê çawa tê nirxandin?
4. Girîngiya xwezayê di vê felsefeyê de çi ye?

### Lêkolîn

Girîngiya felsefeya **modernîteya demokratîk** ji bo rojavayê kurdistanê çi ye? Bi hevalên xwe re lêkolîn bike.

Ocelan dibêje: **Mirov gerdûneke biçûke. Lêkolîn bike.**

## WANE 4

### FELSEFEYA KUWANTOM (QUANTUM)

**Kuwantom**, gotineke latînî ye, tê wateya parçeyên enerjiya elketronê. Beşeke fizikê ye û weke parçeyên bin atomê û fizika pêlan tê danasîn.

Di sedsala 20an de bi pêş ketiye û weke teoriyekê, her diçe berfirehtir dibe. Encama pêşketinên wê bû sedem ku hizirên derbarê fizika kevin a kilasîk, ango danasîna wê ya heyberî û nerîna wê di gerdûnê de, herwiha nêzîkatiyên wê yên felsefeyî, bêñ guhartin. Di hemû qadêñ gerdûnî, jiyana mirovan û felsefeyê de jî, sazûmankirin û nerîneke nû bi xwe re afirand. Bi kuantûmê re, nerîna li gerdûnê jî hat guhartin.

Felsefeya Kuwantomê bi taybetiyên xwe yên xwezayî, roleke girîng di veguhertina cîhana me ya hizirî de dilîze û asoyên hizir azad dike. Rastiyê di Hizira civaka xwezayî de dibîne û civaka dewletparêziyê ne durist û dûrî zanistê dibîne. Herwiha ji bo çarekirina pirsgirêkên civakî yên ku di roja me ya îro de giran bûne jî, rê ji sîstemeke nû re vedike.

#### Nerîna Kuwantom di gerdûnê de, çi ye?

Di dîroka mirovahiyê de û heta niha, sê nerînên bingehîn derbarê gerdûnê de, hatine bipêşxistin. Yek ji wan dibêje ku cîhan navenda gerdûnê ye û ya din jî bi derketina Kopernîk re bi pêş ket û dibêje rok navende, lê di encama pêşketinên kûantûmê de, di gerdûnê de tu navend tune ye, her tişt ji xwe re navende û her tiştek li gorî xwe cihekî digire. **Mînak: Ku destê mirov birîndar be, destê wî dêše, ne dil yan jî serê wî dêše û bi vê yekê destê wî dibe navenda êşê. Lê gava ku serê wî bêše, serî dibe navenda êşê..hwd.** Bi vî awayî Gerdûn û xweza di nav yekîtiyeke **diyalektîk** û **ekolojîk** de hebûna xwe didomînin.

## Hin rêgezên felsefeya Kuwantomê:

- 1. Hevbandorkirin:** Li gorî vê felsefeyê, her tişt, hemû çêkerên xwezayî û gerdûnî, hev bandor dikin, ji hev bandor dîbin û ji hev cuda nayêñ lêkolînkirin. **Mînak:** Mêşa hingiv ji bo ku karibe hingiv çê bike û jiyana xwe berdewam bike, toza kulîlkê (poleman) ji gul û çîçekan kom dike. Dema ku van poleman kom dike tu ziyanê nadî gulan, lê berovajî wê, sûdê dide û herdu jî bi hev re hebûna xwe didomînin.
- 2. Nediyarbûn -Dibetî (ihtîmalî):** Li dijî nerînêñ zanistî yêñ kevin ku dibêjin ji sedî sed, her tişt tê zanîn derdikeve. Lewra li hember determinîstê derdikeve. **Mînak:** Dema ku Agir bi zeviyan dikeve, gelek dibetî derdikevin holê(dibe ku agir xwezayî be, dibe ku ji destêñ mirov be...hwd.
- 3. Zindîbûn:** Her tiştî di gerdûnê de zindî dibîne, ku ew hevkişandina di navbera tiştan de, dibe nîşaneyâ zindîbûnê. **Mînak:** Hevkişandina di navbera atomêñ di kevir de, zindîbûnê dide diyarkirin.
- 4. Dualîtî:** Her tişt di gerdûn, xweza û civakê de, xwe dispêrin dualîtiyê û bi vê dualîtiyê, xwe pêş dixin, hev tune nakin û hevsengiyekê çê dikin. **Mînak:** Şev û roj, havîn û zivistan, sar û germ ku tune bin, wê jiyan jî tune be.

## Têkiliya Felsefeya Kuantûmê û Diyalektîka Materyalist:

Felsefeya kuwantomê, **diyalektîk û materyalîzmê** red nake, herwiha **nakokî û dualîteyê** dipejirîne, lê nakokiyan weke ên bingehîn û nebingehîn ji hev cuda û dabeş nake. Felsefeya Kuwantomê tiştan an jî dualîteyan, ji hev cuda nake û ev necudabûn û dualîtî hevtemamkirinekê çê dike û bi xwe re guhertin û pêşketinê derdixe. **Mînak: Di civakên demoqrat de, cudabûna netewan, nabe nakok û dijîtî, lê bi vê cudabûnê, hevtemamkirin, hevsengî û pêşketin çê dibe.**

Di kuwantomê de, heyber di ser her tiştî re nayê girtin, lê materyalîzm wiha nêz dibe.

Dîsa berovajî kuantûmê, diyalektîka materyalist jî, xwedî nerînek determinînist e. Felsefeya Kuwantomê, nerîna zanyar û ramyaran di atom û pêkhateyên wê de, guhert û nerînek nû li ser mirov û cîhanê da pêş. Herwiha bandora xwe di aliyê zanist û felsefeyê de, lîst. Ji bo ku em vê felsefeyê baş nas bikin û tê bigihêjin, pêwîstiya me bi zanîneke berfirehtir li ser çawaniya wê heye. Bi vê yekê zanîna me û teoriya zanînê jî bi pêş dikeve û xwe nû dike.



## **PIRSÊN NIRXANDINÊ**

1. Rêgezên felsefeya Kuwantomê çi ne ?
2. Danasîna Kuwantomê ji gerdûnê re, şirove bike.
3. Bi nerîna te çi bandora dualîtiyê li ser xweza û civakê heye ?
4. Li gorî têgihiştina xwe nerîna xwe di felsefeya Kuwantomê de bid diyarkirin.

## Belavkirina waneyan li ser sala xwendinê

<b>Meh</b>	<b>Heftî</b> Heftiya yekem	Heftiya duyem	Heftiya sêyem	Heftiya çarem
<b>Rezber</b>			Felsefeya serdema navîn	Felsefeya serdema navîn
<b>Cotmeh</b>	Felsefeya dibıştanân (skolastikî)	Felsefeya îslâmê ya serdema navîn	Fîlozofên îslâmê yên di serdema navîn de	Felsefeya razdarî (tesewîfi)
<b>Mijdar</b>	Felsefeya serdema vejînê (renaissance)	Nûnerên felsefeya ronesansê (1)	Nûnerên felsefeya ronesansê (2)	Felsefeya ronakbûyînê
<b>Berfanbar</b>	Pêşengên felsefeya ronakbûyînê yên sedsala 17an (1)	Pêşengên felsefeya ronakbûyînê yên sedsala 17an (2)	Pêşengên felsefeya ronakbûyînê yên sedsala 18an (1)	Pêşengên felsefeya ronakbûyînê yên sedsala 18an (2)
<b>Rêbendar</b>	<b>Lêveger</b>	<b>Lêveger</b>	<b>Bêhinvedan</b>	<b>Bêhinvedan</b>
<b>Reşmeh</b>	Felsefeya sedsala 19an	Felsefeya sedsala 19an	karl marx (Karîl markis 1818-1883) û marxîzm	Hizirêñ felsefi yên ku di sedsala 19an de derketine
<b>Avdar</b>	Pozitivîzm û determinîzm	Romantîzm û nîhîlîzm	felsefeya sedsala 20an	felsefeya sedsala 20an
<b>Cotan</b>	Hîzirêñ felsefeyî yên ku di sedsala 20an de derketine	Hîzirêñ felsefeyî yên ku di sedsala 20an de derketine	Felsefeya modernîteya demokratik	Felsefeya kuwantom (Quantum)
<b>Gulan</b>	<b>Lêveger</b>	<b>Lêveger</b>		

